

人集

六十一番

尚書省 尚書左右丞 左右司郎中 員外郎事 門下省

六部尚書 總侍郎 總郎中 總員外郎 總主事

吏部尚書 侍郎 郎中 員外 戶部 各同上 禮部

兵部 刑部 工部 翰林院 國史院 秘書監

尚書省

尚書省

尚書省

類聚尚書省唐虞大麓之職也注大錄萬機之政周官司書鄭  
玄云若今尚書秦時少府遺吏四人在殿中主發書故謂之尚  
書尚猶主也有尚書令尚書僕射尚書丞唐制尚書省都堂居

中左右分司堂東西凡二十四司分曹共理

堂東有吏戶禮三  
行每行四司左司

統之西有兵刑工三行  
每行四司右司統之

宋尚書省掌六曹諸司文書施行制命

大元置尚書令左右丞相及平章事二人任宰相之職其屬有  
左丞右丞及叅知政事二人為宰相之貳

又有左司右司各有  
郎中員外郎都事等

員在外別  
置行省

漢晝張安世以父任為郎天子行幸河東嘗亡書二篋詔問莫  
能知唯安世識之後購求得書以相授無所遺失奇其擢為

尚書令

安世領尚書事職典樞機以謹慎周密自著外內無間音有所薦其人來謝安世以為舉賢建能豈有私謝耶

絕弗復通有郎功高不調自言安世應曰君之功高明主所知人臣執事何長短而自言乎絕不許已而郎果遷

後晝光武親總史職天下事皆上尚書與人主參決乃下三府

尚書令為端撰之官

江總表昔之冢司今日端撰

尚書令主贊奏事總

領紀綱無所不統與司隸校尉御史中丞朝會皆專席而坐京

師號曰三獨坐

左雄為尚書令限年四十九先試經然後

舉孝廉故雄為令在位者各肅清時稱曰左伯豪為尚書天下

皆慎選舉

續漢書鄭弘為令前後有所補益於政者皆著之為南宮故事

常昭辨釋名曰尚上也言最在上總領之也辨云尚猶奉也百

官言事當省案平處奉之故曰尚書尚食尚方亦然

桓譚新論昔堯試舜於大麓者領錄天下事如今之尚書官矣

宜得大賢智乃可使處議持平

周禮司會中大夫三人若今之尚書補後主冊文昌政本司會

經化

職官分紀後漢有六曹尚書并一令一僕射謂之八座魏有五

曹與二僕射一令謂之八座

侯霸字君房光武拜尚書令時無故典朝廷又少舊臣霸明習故事

收錄遺文條奏前世善政法度有益於時者皆施行之

本傳董卓辟蔡邕以高第補侍御史又轉侍書御史遷尚書三

月之間周歷三臺尚書漢因秦置之故尚書為中臺謁者為外

臺御史為憲臺謂之三臺唐光宅元年改為文昌臺垂拱元年

又改為都臺神龍初復舊為尚書省亦謂之南省

魏書荀彧守尚書令課試令史以下覈其才能有闇於文法不

能決疑處事者即時遣出帝嘗謂曰武帝言荀文若之進善不

進不止苟公達之退惡不退不休二令君之美亦望於君也

三國志蜀費禕字文偉代蔣琬為尚書今時戰國多事衆務煩猥禕識悟過人每省讀書記舉目蹙視已究其意旨其速數倍於人終亦不忘常以朝晡聽事其間接納賓客嬉戲博奕每盡人之歡事亦不廢董允代禕為尚書令旬日之間事多停滯允乃嘆曰人才力相懸若此非吾所及

晉書太熙元年詔曰夫總百揆之得失管畫政之開塞者端右之職也自漢以來每選此官常慎其人議郎王戎清儉履道勲著歷試其以戎為尚書令

春秋合誠圖曰天理在斗中司三公也如人喉在咽以理舌語

晉宗室會稽王道子進位丞相錄尚書假節都督中外諸軍事勢傾天下道子世子元顯又加錄尚書事道子政無大小一委

元顯時請道子為東錄元顯為西錄

山濤啓事尚書令李胤遷處缺宜得其人征南將軍羊祐體儀玉立可以整肅朝廷征南將軍衛瓘真正靜一中書監苟勗達于事物三人皆民望不審可參舉否

康帝詔尚書萬事之本朕所責成也而廩秩儉薄甚非治體今雖軍國多費不為元凱惜祿其依令僕給尚書各親信五十人廩賜

謝靈運書古者重武事貴射御取其捷御如僕各置一人尚書六人謂之八座參攝百揆出內王命古元凱之任

謝石辭表尚書令國之家

司總括百揆憲範王猷式是百辟

通典僕射秦官漢因之古者重武官有主射以督課軍吏成帝

建始元年初置尚書五人以一人爲僕射主封門掌授廩假錢穀後漢尚書僕射一人署尚書事周魏晉置二則左右僕射或不兩置隋文帝開皇三年詔左右僕射從二品左掌判吏禮兵三尚書御史糾不當者兼糾彈之右掌判都官度支二部尚書又知用度唐左右二僕射因前代本副尚書令自尚書令廢缺二僕射則爲宰相

後漢書光武改僕射爲祭酒而又屬少府掌贊導衆事顧問應對法駕出則多識者一人負國璽操斬白蛇劍參乘餘皆騎在乘輿後

何法盛晉中興書顧和爲尚書僕射以母老固辭詔勅諭特聽暮出朝還其優遇如此尋朝議加銀青光祿大夫

宋陳呂蒙正尚書僕射制邦國政治盡出於中樞朝廷紀綱皆歸於會府矧乃端揆之任聿居師長之崇苟非台鉉之賢曷慰縉紳之望具官呂蒙正挺生英氣符合昌期既光夢卜之求遂荷鹽梅之寄謨明匪解亮直不渝爰自天官再持政柄洎和鼎實時維老成

尚書左右丞

類聚成帝建始四年置尚書員五人有四丞光武始減其二唯置左右丞掌錄文書期會唐龍朔改左右丞曰左右肅機宋元祐令尚書左右丞並正二品爲執政官大元以宰相之貳佐治省事

晉書郤詵爲尚書左丞糾吏部尚書崔洪洪曰我舉郤丞而還

奏我此為挽弩自射詵聞曰昔趙宣子任韓厥為司馬厥以軍法戮宣子之僕宣子曰諸大夫可賀我矣崔侯為國舉才我以才見舉唯才是視各明至公何故斯言洪聞悅服

傳成書尚書左丞彈八座以下居萬機之會斯乃皇朝之司直天臺之管轄

梁書賀琛字國寶為尚書左丞茲參禮儀事琛前後居職凡郊廟諸儀多所創定每見高祖與語常移晷刻故省中為之語曰上殿不下有賀雅琛容止都雅故時人呼之

唐書貞觀中宇文節為尚書右丞明習法令以幹局見稱江夏吳道宗嘗以私事託於節節遂奏之太宗大悅賜帛二百疋勞之曰朕不置左右僕射者正以卿在省耳

丞尋遷左丞太宗謂冑曰尚書省天下網維百司所稟若一事有失天下必有受其弊者今無令僕係之於卿當稱朕所望也冑性明敏處斷明速議者以為左右丞稱職武德以來一人而已白居易為授庾承宣尚書左丞制吾前命崔從持左綱

今乃命承宣操右轄無俾戴劉魏杜專美於貞觀中漢制丞郎見二丞呼

左君右君劉洎上疏尚書萬機是為政本是以八座比於文昌

二丞方於管轄常弘景素以鯁亮稱及拜左丞居綱轄之

地郎吏望風修整傳咸為右丞臺閣望風自肅劉敞為右丞三臺肅清

蘇子由劉摯尚書右丞誥漢御史大夫能任其職則為丞相近世中執法議論不撓亦補執政昔我仁宗優養正士開受直言則有包拯張昇之流咸以敢言獲聞大政朕追懷先王選建忠

賢諤諤之聲庶幾前烈具官劉摯早以御史小事裕陵力陳是非不避權寵十年流落志氣不衰召置臺端首開正論進任中司之要屢聞白簡之言風聲凜然國是以定朕欲試其行事之實是用付以右轄之權  
為樊左丞讓官表尚書百揆翊亮萬機故天上尊北斗中樞陛下有南宮左轄晉升孔坦諒直當時漢拜楊喬閑練故事庶得百僚有憚於會府諸侯取法於京師臣實諛才謬登清貫

杜甫上韋左丞鳳曆軒轅紀龍飛四十春八荒開壽域一氣轉洪鈞霖雨思賢佐丹青憶老臣應圖求駿馬驚代得麒麟沙汰江河濁調和鼎彙新常賢初相漢范叔已歸秦盛業今如此傳經故絕倫豫樟深出地滄海濶無津北斗司喉舌東方領縉紳持衡留藻鑑聽理上星辰獨步才超古餘波德照鄰

左右司郎中員外都事

類聚煬帝三年尚書都司始置左右司郎各一人品同諸曹郎從五品掌都省之職唐武德初省貞觀初復置改為郎中龍朔二年改為左右承務宋朝以為階官元豐正名始實有職掌左右司郎中各一人員外郎各一人凡四員掌舉諸司之紀綱號為都司元豐六年都司置御史房主行彈劾御史按察失職紹聖初詔都司以歲終點檢六曹稽違太多者其姓名取旨大元左司掌察吏戶禮三部受事傳事右司掌總察兵刑工三部受事傳事各置郎中員外郎都事其屬有祗候郎君架閣庫管勾等人  
都司本尚書都令史之職令史蓋前漢官也漢尚書臺

令秩三百石晉尚書都令史八人秩二百石與左右丞總知都臺事隋開皇初改都令史為都事大元於左右二司各置都事

亦古制也二十四曹呼左右司為都公

漢官儀太尉司徒司空長史秩比千石號為毗佐三台助鼎和

味崔寔曰三公天子之服肱掾屬三公之喉舌

唐書天后永昌元年始置左右司員外郎各一人時顧琮自侍

御史陳元懷真以洛州司戶其朝服與諸司員外郎並爵弁玄

纓簪導青衣纁裳一梁冠

向敏中字用晦為左司員外郎

武宗雖聞白居易名欲召用之是時居易病足宰相李德裕薦

敏中文辭類其兄而有器識

許鑑為左司郎中不稱職張

鷲劾之云位膺列宿爵綰通班總八座之繁司承萬機之要務

錚錚會府掌北斗之璣衡肅肅禮闈握南宮之樞輿

哲宗實錄王震字子發元豐四年開天章閣初用官制大除拜

詔震與吳雍輔臣執筆入記聖語面授右司員外郎直使自書

除目時論榮之

長編元豐六年七月左司郎中范雍直龍圖閣河北運轉使都司出使除職自此始元祐元年

范子奇范純夫自左右司出為河北京東轉運皆用雍例直龍圖閣

會要紹興十三年三省擬進右司郎中上謂輔臣曰神宗聖訓

云左右司便是學為宰相豈可不謹擇

續會要宣和二年臣寮疏神考肇建中臺分六官而設之屬以

御史糾其稽違復令都司等其功過令史左右司歲考六曹郎

官治狀以功過對所分等惟三

晦菴集張維字振綱留為左司郎中遇事有未便輒詣都堂坐



白或曰瑣瑣辨切非朝官體公曰都司助調鼎實幾微所關若視吏籤擬輒涉筆書不置可否安用我輩耶

### 門下省

類聚環濟要畧侍中古官也或曰風后爲黃帝侍中周官時號常伯者言其道德可常遵也秦始皇復古冠貂蟬漢因而不改比內官侍帷幄受顧問拾遺於左右出則負璽以從小則參乘秩二千石

通典漢侍中中常侍得入禁中舊用儒者然貴子弟榮其觀好至乃襁褓坐受寵位貝帶脂粉綺繡袷袴鷄冠直侍左右分掌乘輿服物下至褻器虎子之屬武帝時孔安國爲侍中以其儒者特聽掌御唾壺朝廷榮之本有僕射一人註秦漢以侍中

### 功高者一人爲僕射

沈約宋書漢使左右曹諸吏分奏尚書事光武省諸吏使小黃門受事前代文士皆謂門下爲左曹亦曰東寺

初學記侍中冠武弁大冠亦曰惠文冠加金璫附蟬爲文貂尾爲飾謂之蟬貂應邵云金取堅剛百鍊不耗蟬居高食潔自在腋下貂外勁悍內溫潤

唐書魏知古拜黃門侍郎時盛夏造金仙玉真觀工程嚴促知古切諫睿宗嘉其直罷之開元初卒宋璟嘆曰叔向古遺直子產古遺愛兼之者其魏公乎

初學記董巴漢書禁門曰黃闥中人主之故號黃門令然則黃門郎給事於黃闥之內入侍禁中故曰黃門侍郎齊職儀曰初

秦有給事黃門之職漢因之自魏及晉置給事黃門四人與侍中俱管門下衆事與散騎常侍並清華代謂之黃散焉  
程頤賀門下許侍郎顯膺綸綍進貳機衡東臺地峻左省班清  
六部尚書

王世貞曰尚書非周官也自秦寄國事於丞相而內庭有尚書其爲令丞不可攷但其職僅以通章奏而已漢興至武帝而始削丞相權躬自攬斷而設中書令以參尚書至臨崩而始命大將軍霍光領尚書事裁斷萬機可否保護萬乘兼寓宮禁而九卿將軍守相所諮白不之丞相而之大將軍至大將軍王鳳而復脩光故事權至伴人主丞相取克位而已成帝始置尚書令各一人尚書四人凡四曹曰常侍曹二千石曹民曹客曹後又益四直三公曹是爲五曹然不過一大將軍掾屬而已後漢光武不以政委三公天下章疏皆尚書與人主參決乃下三府而至孝明以後凡天子初卽位輒置錄尚書事以太傅居之或以太尉參之然時置時罷而令僕射及尚書號八座其可否庶務卽今之內閣而案考功法詰責公卿又有今所不敢望者然令秩不過千石僕射八百石尚書六百石銅印墨綬令以久次始得爲郡守用望遷九卿而尚書至有補太縣令者以故委寄雖尊而不敢萌肆心至魏晉時令僕不出爲他官往往逕爲三公如山濤衛瓘或領開府如荀勗而居然端揆自命矣魏分尚書五曰吏部左民客曹五兵度支晉分爲六曰吏部五兵客曹駕部屯田度支而尚書始以其職入衙矣渡江後定爲吏部祠部

五兵左民度支凡五歷宋齊梁陳又加都官爲六當是時六尚書雖分寄省事於令僕不稱屬而吏部尤重沿至北齊周隋有錄公則錄爲真相而令僕爲參執無錄公則令爲真相而僕射爲參執無令則僕射真相矣而中書主奉行門下主封駁與尚書省次體而爲參執唐自太宗爲尚書遂罷令不復置開元初改左右僕射爲左右相始美其名以爲侍中中書令優老之階而歸重於文武二選其後遂以中書令爲右相兼文部尚書而李林甫楊國忠居之左相兼武部尚書而李適之陳希烈居之至德以後侍中中書令復以重故爲勲臣加秩而二侍郎同平章事爲真相資望之深重亦有至中令侍中者其左右僕射或以爲加秩或以爲優資宋初以至元豐政和淳熙宰執之更改不常而六尚書之係尚書省如故元制中書省令丞相平章左右丞參政以釐天下之務而吏戶禮兵刑工六尚書爲曹官明高皇帝下江南卽置行中書省自領之卽吳王位改置中書省而於六尚書勢不遑設洪武元年始備六尚書皆正三品而侍郎正四品郎中以下品秩有差而皆隸中書省一仍元舊十三年丞相胡惟庸以專擅蒙蔽誅分其職於吏戶禮刑工兵部分大都督府爲五而攝其樞要於兵部陞尚書正二品左右侍郎正三品蓋隱然周世六官之嫩而獨冢宰不制國用司徒不掌邦教以此小異耳 文皇帝卽大位而悉更從洪武之舊改北平故燕國爲北京設行部尚書以總布按二司事行都督府總都司事永樂四年 上狩北京 皇太子以元良監國大小

庶務悉以委之是時六部政本猶在南十七年而皇太子歸  
 青宮以皇太孫留守南京六部政悉移而北十八年行在六部  
 落行在字諸九卿大小省署之留者皆稱南京洪熙元年天  
 子留意豐鎬諸九卿大小之在南者皆落南京字而六部復稱  
 行在宣德三年始定如永樂弘正以還內閣日益重而六尚書  
 日益輕然老臣勲業稍重加三孤東宮三師若吏兵之長猶能  
 與之抗至分宜之得政則若外藏矣江陵之當國則若曹郎矣  
 嗚呼人主不可以太阿授人哉

弇州別集 國朝父子並至尚書者吏書翰林學士承旨詹公

同太子少保吏書兼左都御史微同見任時尚書只是三品今其各職皆作尚書故記之

太子太保吏書何公文淵刑書喬新少保吏書謹身大學士

公文南禮書宗彝刑書耿公九疇太子太保吏書裕南刑書周

公瑄太子太保禮書經南禮書倪公謙太子少保吏書岳刑書

施公禮太子少保禮書掌鴻臚寺事純太子少保兵書白公圭

太子少保禮書翰學士鉞太子太保吏書王公恕南戶書承裕

南工書侯公瓚戶書觀太子少保吏書許公進南戶書誥少傅

太子太傅吏書文淵大學士讚太子太保兵書論南兵書林公

翰太子太保工書庭梈南禮書庭機南吏書王公華新建伯南

兵書左都守仁南刑書吳公洪刑書山戶書李公瓚太子賓客

戶書翰學廷相太子少保刑書劉公璟刑書訥南工書何公詔

刑書鰲少師太子太師吏書楊公博戶書俊民南禮書孫公陞

南吏書鑑左都御史王公忬南刑書世貞少保太子太傅禮書

武英大學士陳公以勤禮書東閣學士于陞凡二十三家四十  
 九人內詹訢俱太宰倪氏俱學士林氏俱司成陳氏俱內閣又  
 朱復為燕府左相位尚書上而子濬為刑書楊公博為少師而  
 次子俊卿至都督同知雖文武異途然俱腰玉皆可紀也祖孫尚書  
 工書薛公祥南兵書遠工書王公永壽吏書瓊兵書孫公原貞  
 吏書需戶書劉公中敷吏書機兄弟尚書南工書蔣公昇少  
 傅太子太傅戶書謹身殿大學士冕太子少保戶書石公玠少  
 保太子太保吏書武英殿大學士班南戶書許公誥少傅太子  
 太傅吏書文淵閣大學士讚太子太保工書林公庭擢南禮書  
 庭楷南禮書林公嫌南工書煙係親昆季按許氏既三人而以  
 傅宮保復腰玉充人間所希少保吏書文淵閣大學士彭公  
 時太子少保禮書翰林院學士華少師太子太師吏書華蓋殿  
 大學士費公玄少保太子太保禮書翰學案工書掌大理寺揚  
 公守隨南吏書守阻南禮書李公機南兵部尚書遂係從昆季  
 總侍郎

富大用類聚初秦置侍郎無員分隸三署主執戟侍宮殿出則

充車騎漢因之侍郎秩四百石以其為郎內侍故曰侍郎侍郎

六卿之副凡諸郎掌更直執戟宿衛諸殿門以侍衛之故通謂

之侍郎武帝時東方朔為郎後揚雄為侍郎當時謂之官不過

侍郎位不過執戟是也尚書亦有侍郎初入臺稱郎中滿歲稱

侍郎梁尚書郎入臺功者轉為侍郎隋煬帝二年尚書六曹

各置侍郎一人以二尚書之職並在第四品今之侍郎其置自

此始又改諸司侍郎但曰郎吏部為選部郎禮部為儀曹郎兵

部為兵曹郎刑部為憲曹郎工部為起曹郎以異六侍郎之名

唐武德六年廢六司侍郎貞觀二年復又降為正四品下惟吏

部侍郎為正四品上咸亨二年復為侍郎總章元年吏部兵部

各增侍郎一員宋以為階官至元豐官制行始有職掌元祐二

年初置權侍郎從四品如未歷給事中中書舍人及待制以上者並帶權字祿賜比諫議大夫崇寧罷權侍郎建炎四年復置大元仍之置六部侍郎

唐百官志侍郎掌貳令之職朝廷大政參議焉臨軒用命為使則持冊書授之四夷來朝則授其表疏而奏之獻贄幣則受之以付有司

冊府元龜周歷五曹之副建明萬事之本中臺政本思舉舊章六卿貳職今之盛選

類要侍郎自皇朝以來為衣冠之華選自非履歷清要望實具

美者無以居之

播芳集賀中書林侍郎顯被制書進參機務綴詞臣於鰲禁訂國論於鳳池

李白詩客曹與天通出入清禁中君登金華省我入銀臺門

有詩徵入中臺作侍郎黃山谷詩紫府侍臣鳴玉佩

弇山集國朝父子至三品九卿者劉翰學朱公升子禮侍大同

兵侍鍾公勗戶侍永吏書趙公好德工侍毅戶書王公鉞戶侍

淪工侍陳公壽戶侍常禮侍儀公智太子太保兵書銘工書黎

公澄右侍叔林禮侍蔣公驥左副都琳工書畢公亨右副都昭

少師太子太師吏書華蓋大學士萬公安南禮侍翼兵書兼大

理卿程公信禮侍翰學贈尚書敏政戶侍李公暹南戶侍益吏

侍揚公守陳刑侍茂元南吏書王公俠右副都沂太子太傅刑

書白公昂右副都圻右副都李公介兵侍昆少傅太子太傅戶

書謹身大學士謝公遷吏侍翰學丕南禮書江公瀾工侍曉兵

侍邊公鏞左副都憲右副都憲禮書劉公春右副都彭年南工

書董公越大理卿天錫右副都王公珣右副都崇文右副都孫  
公鏖禮書陞都御史劉公洪右副都臬刑書楊公志學兵侍守  
謙太子太保兵書王公憲右副都汝孝兵侍陶公諧右副都大  
順吏侍大臨少師太子太師吏書華蓋大學士嚴公嵩工侍世  
蕃以嵩刑侍劉公玉南工侍慈右副都吳公澣通政使三樂兵  
書王公邦瑞南刑侍正國大理卿汪公文盛南吏書宗伊署兵  
書李公燧僉都御史材亦可附見

總郎中

類聚初秦置郎中令其屬官有三署五官中郎將左中郎右中  
郎將凡三署署中有郎每員多至十人分隸三署主執戟侍官  
殿出則充車騎漢因之郎中之名猶因三署本號置尚書郎四

人分掌尚書事時馮唐為郎中署長光武分尚書為六曹每一  
人尚書則領六郎凡三十六郎自漢以來尚書諸曹郎中侍郎  
或不兩置魏自黃初改秘書為中書置通事郎掌詔草而尚書  
郎有二十三人非復漢時職隋以諱忠不置郎中煬帝改曰郎  
唐改為郎中龍朔改為大夫宋元豐官制行郎官理郡守以上  
者為郎中大元六部各置郎中

常衮制郎官古之元士天下之  
務多所關決其於損益大矣

漢畫郎官故事令郎出錢市財用給文書廼得出名曰山郎移  
病盡一日輒償一沐或至歲餘不得沐其豪富郎日出遊戲或  
行錢得善部貨賂流行轉相放效楊惲為中郎將罷山郎移長  
度大司農以給財用其疾病休謁洗沐皆以法令從事

類要黃  
香為尚

書郎常獨止宿臺上晝夜  
不辭省闈帝聞而善之

漢官儀尚書郎伏奏事黃門郎對揖跪受故稱尚書懷香握蘭  
趨走丹墀主作文書起草書夜更直五日於建禮門外入直官

給青縑白綾被或以錦被給帷帳茵褥通中枕太官供食物湯  
官供餅餌及五熟果實之屬五日一美食下天子一等黃門郎

日夕入對青瑣門拜山啓事舊選尚書郎極清望也裴度奏臺  
郎皆朝之俊選潘岳贈陸機優游省園珥

筆華軒宋時諺吏勳封考三姿兩艘戶度金倉細酒肥羊禮  
詞主膳淡契藝楚兵職駕車咬薑呷醋刑都北門人肉餽飽

三輔決錄馮豹為尚書郎每奏事未報常伏省署或自昏至明

天子默使人持被覆之田鳳字季宗為尚書郎容儀端正入奏

事帝目送之因題柱曰堂堂乎張京兆田郎

晉天文志郎位十五星在帝位東北一曰依烏郎府也三省郎

中是其職也史注大微後二十五星郎位也楊國忠制往日星  
郎爰秉天憲蘇味道詩遠從南斗外遙仰列星文

郎字巨秀少有逸辟之量靖每曰廊廟之才非簡

札之用州郡吏不足汗吾兒也舉秀才除郎中樂廣為尚

書郎與何晏鄧颺等談講確見而奇之曰常恐微言將絕今復

聞之命諸子造馬謂曰人之冰鑑也每見此人瑩然如披雲霧

而覩青天

通典粉署郎署也以諸郎官握蘭含香故云馨香又謂之畫省

以粉畫之故言粉署又省中皆以胡粉塗壁畫古賢烈士以丹

朱添地故謂之丹墀漢尚書郎月賜赤管大筆一雙隃麋墨一

九職類宜正列星之次俾承賜筆之寵杜  
馨香粉署研蘇軾鷄舌還應共賜香

通典晉尚書郎選極清美號為大臣之副虞詡曰臺郎顯職乃

並仕之通階元微之制嘉乃令子為吾望郎蘇軾詩東川得



望郎坐與西爭重

故事叔父兄弟不許同省為郎然官格

令不載亦無正勅正觀二年帝叔謹除刑部員外郎三年常季武除庫部郎郎中太宗謂曰知卿兄弟近任尚書省故授卿此官欲成一家之美無避稍屈資也其後同省者甚多近日非特恩除拜即須相回避也

兩京新記尚書郎自兩漢已後妙選其人唐武德貞觀已來尤重其職吏兵部為前行最為要劇自後行改入皆為美選考功員外專掌試貢舉人員外郎之最望者司門都門也田虞水膳部主客皆在後行間簡無事先天中王上客為侍御史自以才望清雅妙當入省常望前行忽除膳部員外郎微有悵惋吏部郎中張敬忠戲詠之曰有意嫌兵部專心望考功誰知脚凌蹬却落省牆東膳部在省中氣東北隅故有此句

宋百官志尚書郎入直官給帷帳氈褥侍史二人選端正妖麗

執香爐護衣服奏事明光殿

白樂天賀楊十二新拜省郎詩文昌新入有光輝紫界宮牆白粉闌

晚日鷄人傳漏箭春風侍女護朝衣錢起詩粉署花廳入用霄紫詔垂直廬驚漏近賜被覺霜移蘇味道詩明光共待漏清覽

各按雲

新書趙華早擅高名累經貶謫入仕三十年方露省官

總員外郎

類聚晉宋尚書省置員外郎分判曹事隋開皇三年尚書二十四司各置員外郎一人謂本員之外復置郎也掌其曹之版籍侍郎闕則釐其曹事此今員外郎所由始也唐尚書諸曹各置員外吏部置二人龍朔咸亨光宅並隨改復宋元豐官制六曹

郎官理郡守以上資任者郎中通判以下資序者為員外郎雖  
理知州資序未嘗實歷知州及監司開封府推判官者止除員  
外郎大元六部各置員外郎

通典注歷代尚書郎各以曹名為稱首或謂之侍郎皆無員外  
之號前代文傳及職官要錄或有言員外郎散騎侍郎耳非尚

書之職也惠帝紀注外郎散郎也韓文盛山十二詩序常侯以  
考功副郎守盛山胡文恭行王稹制任外郎之員承

詔曹  
之務

### 總主事

通典主事二漢有之後魏於丞相尚書諸司置主事令史隋於

諸省又各置主事令史員煬帝三年並去令史之名但曰主事

漢光祿勳有南北庭主事三署之事於諸郎之中察茂才

高第者為之後漢范滂字孟博自光祿四門遷光祿主事時陳

蕃為光祿勳滂執公儀詣蕃亦不止滂投板而去郭泰聞之曰

若范孟博者豈宜以公禮格之蕃乃謝之

弁州別集國初官制後革者記之以備考而人亦附焉中書令  
不設左右丞相正一品平章事從一品左右丞正二品參政

從二品參議正四品以李善長徐達常遇春張昺等為之尋置  
四輔官以耆儒王本杜祐龔敷為春官杜敷趙民望吳源為夏

官惟秋冬官缺以本等攝之置太宗院改為宗人令左右宗人  
正左右宗人俱正一品以秦晉燕周齊五王為之置皇太子左

右率府都督同知康茂才等為之置諫議大夫以唐鐸為之置  
諫院左右司諫以耆儒劉垺閔賢為之左右正言以耆儒趙肅

何顯周為之置執法議理司以前元工書濂為之置審刑司左  
右詳議凡大理司平允法司囚犯皆得詳駁之置考功承勅司

文三監每監令一人丞二人監察御史馬亮張迥等五十六人  
為之置平駁諸司命翰林編脩以下春坊司直以下贊讀考駁

諸司奏啓置磨勘司令以太子伴讀高暉為之置內正司正副  
各一人專糾內臣之有失儀者置繩頑司令丞各一員置東宮

通事司令丞各一員署東宮文學趙晉為之置城門都尉一員  
以死事指揮劉廣子景為之君子衛居文官子姓舍人衛居武

官子姓置侍儀列進使正五品閣門使從五品以故誠意伯劉  
 基子仲璟為之樞密院為大都督府又為中左右前後五軍都  
 督府使知院同知院簽院御史臺左右御史大夫中丞侍御史  
 治書侍御史殿中侍御史翰林院初置直學士待制應奉承設  
 學士承旨講讀學士建文改講讀學士為文學博士方孝儒任  
 之洪武未設華蓋殿謹身文華武英文淵東閣太學士俱正五  
 品以劉仲質邵質吳伯宗朱善吳沉等為之設弘文館學士不  
 言品秩劉基危素睢稼胡鉉等為之置將作卿正三品單安仁  
 為之後并入其事工部改為營繕正置司農卿正三品楊思義  
 為之後入戶部置京畿都曹運使正四品專治京師軍儲單安  
 仁薛祥為之置宣徽院使正三品院崇禮為之後為光祿司卿  
 最後為光祿寺從三品置太史院使正三品劉基為之改院為  
 監使為令後為司天監定為欽天監正五品置醫藥提舉司改  
 太醫院監正三品孫守貞為之後改為太醫院使正五品判六  
 品置滁陽收監從三品後為太僕寺置禮儀司正副後為鴻臚  
 寺卿少卿置信實提舉從五品後為尚寶司正五品置營田使  
 專董鑿近畿田康茂才等為之置帳前總制親軍都指揮使馮  
 國用朱文忠等為之又置金吾侍衛軍都護又置都尉府正三  
 品蓋即今錦衣旗手衛也又置兵馬司都指揮使副等官後改  
 文職降至六品猶有故銜 建文元年更定官制六部尚書陞  
 正一品增左右郎中正二品侍郎如故省戶部十四司為民部  
 度支部金帛部倉庫部刑部十四司為詳憲部比議部職門部

都官部諸司俱去清吏二字都察院左右都御史去左右二  
 後改御史府都御史為御史大夫通政司為寺使為卿增其屬  
 左右補闕拾遺各二員與大理寺卿止稱通政大理卿左右  
 正為都評事司務為都典簿太常光祿太僕鴻臚尚寶俱止  
 卿詹事府詹事曰詹事卿增賓客二員增設資德院資德一員  
 資善二員其屬贊讀贊書著作郎各二員國子監增司業為二  
 員省博士學正學錄增助教為十七員翰林院增承旨一員文  
 學博士一員省講讀置文翰文史二館文翰設侍中華中書舍  
 人職歸之文史館脩撰以下如故殿閣學士俱去太字謹身殿  
 太學為正心殿學士六科省左右給事中布政司陞為正二品  
 止一員去左右字提刑按察司曰肅政陞廣東鹽課司為都轉  
 運鹽使司革五府斷事及稽仁稽義等官親王府增賓輔二員  
 正三品左  
 右長史上

吏部

類聚吏部尚書周之天官卿也漢成帝置列曹尚書四人其一  
 曰常侍曹光武改常侍曹為吏部曹王選舉靈帝改吏部為選  
 部魏改選部為吏部王選部事右於諸曹尚書自魏至梁茲第

三等梁定十八班班多為貴吏部尚書班十四諸曹尚書班十  
 三唐因隋制吏部尚書一員正三品龍朔二年改為司列太常  
 伯光宅元年改為天官尚書天寶改為文部宋張昭為尚書獨  
 掌京官七品元豐官制行以審官東院歸吏部尚書左選審官  
 西院歸吏部尚書右選大元因唐宋舊置吏部掌天下文武官  
 吏選授勳封考察廉能出給制誥等事吏部令史分掌名頭以  
 尚書為之長 吏部侍郎周之少宰漢大夫也漢以來尚書侍  
 郎今郎中之任北齊陸瑒兄弟相代兵吏部郎今侍郎也隋煬  
 帝三年尚書六曹各置侍郎一人以貳尚書之職並正四品以  
 下銓補多歸之唐武德初因隋舊置吏部尚書掌六品七品選  
 侍郎銓掌八品九品選本一員總章二年加一員以裴行儉為

之本員為中銓新加員為東銓通典云唐列三銓尚書掌其一

書銓侍郎所掌其一為中銓其一為東銓宋元豐官制行以流內銓歸吏部侍郎左

選以三班院歸吏部侍郎右選侍郎從三品大元仍之置吏部

侍郎 周太宰屬官有下大夫蓋郎中之任也秦有郎中以其

為郎侍衛居中故曰郎中漢選尚書郎初從三署郎次補之初

入尚書臺稱郎中滿歲稱侍郎故郎中之名猶因三署舊號後

漢置吏部郎中職在選舉魏晉用人妙於時選其諸曹郎功高

者遷吏部郎中歷代品級皆高於諸曹郎北齊吏部郎品正第

四上諸曹郎品正第六上唐吏部郎中二人一人掌小選其應

選之人以未入九流故謂之流外銓宋元豐官制置吏部郎中

四人尚書選二人侍郎各選一人參掌選事而分治之大元置

吏部郎中二人 周官太宰屬官有上士蓋今員外之任也宋

百官階次有員外郎隋開皇六年尚書省二十四司各置員外

郎一人以司其曹之帳籍品從第六宋尚書諸司員外郎正七

品大元置吏部員外郎二人 國朝置吏部尚書正二品及左右

侍郎正三品司務從九品文選司考功司漢曹郎二人掌天下歲盡

課史之法然其職不在尚書至光武改尚書三公曹主歲書考

課諸州郡魏有考功郎中一人貞觀以考功郎中專管貢舉開

元移貢舉於禮部元豐官制行以七事考監司以四善三最考

守令凡改服色者以年勞計之應謚者而復太常所定行狀大

元無專曹官有考選驗封司龍主爵郎北齊置主爵郎中一人

院四司誥身案並隸於此淳化五年始專置官司於省內凡官

誥以本司誥身印印之大元無專曹官封誥以令史分頭掌之

稽勲司周司勲上士二人注此官主封賞六典自周以來皆為

昔悉之覆定而後奏擬宋凡王公轉凡有功之人合授勲官者

命婦加勲用司勲印大元有勲科竝設郎中正五品員外從五品

專正六品以分理庶務焉

後漢百官志吏曹尚書典選舉齊祀屬三公曹靈帝末梁鴻為

選部

魏志毛玠為吏部尚書無敢好衣美食者魏武嘆曰孤之法不

如毛尚書令使吏部用心如玠風俗之易不難與崔琰並典選

舉用皆清正之士雖於時有盛名而行不由本者終莫得進務

以儉率人常乘柴車南史褚炫為吏部尚書炫居身清正在選

紙帽風吹抵判殆盡盧毓為吏部尚書文帝使毓自選代曰得如卿者乃可前此諸

葛誕鄭颺等馳名譽有四聰八達之誚帝疾之詔選舉莫取有

得常士王者正以循名按常為職但當有以驗其後今考績之法廢而以毀譽相進退故真偽混淆虛實相蒙帝納其言詔作

考課法

晉書山濤為吏部尚書每官缺輒啓擬數人濤所奏甄拔人物各為題目時稱山公啓事 濤曰臣欲以却詵為温令詔可

尋又啓曰訪聞詵喪母不時葬遂於所居屋後假塋有異同之議請更選之詔曰君為管人倫之職此輩應為清議與不便當裁處

世說山司徒前後選殆周遍百官舉無失才凡所題目皆如其言唯用陸亮是詔所用與公意異爭之不從亮亦尋為賄敗

鍾會見王戎裴楷總角曰裴楷清通王戎簡要後二十年此

二賢當為吏部尚書莫是時天下無復滯才 王戎自居選亦當進一寒素退一虛

名門調戶選隨時浮沉

通志蔡克素有格量及居選官苟進之徒望風畏憚初克未仕

時山簡嘗與琅邪王衍書曰蔡子尼今之正人行以書示衆曰

山子以一字拔人然未易可稱後衍聞克在選官曰山子正人

之言驗於今矣

中興書吳隱之字處默有孝行母亡每哭韓康伯母輒泣涕語

康伯曰汝後若居銓衡之職當舉此輩人及康伯為吏部尚書

因進用之遂歷清要

王隱書樂廣為吏部尚書所在為政無當時功譽每去職遺愛

為人所思論人必先引其長屈其所短不明而自顯人有訾過

先盡容弘恕而後善惡自著值世多難清白自將交無内外任  
誠保真人莫見其際者是以能自全當世以此多之

玄平作吏部尚書大坐語袁卿此段還不失護軍袁曰卿何事人中作市井

語林袁真為監軍范

南史宋廢帝時徵豫章太守蔡廓為吏部尚書廓至因北地傅  
隆以聞傅亮選事若悉以見付不論不然不能拜也亮以語錄  
尚書徐羨之羨之曰黃門郎以下悉以委蔡吾徒不能厝懷自  
此以上故宜共參同異廓曰我不能徐干木署紙尾遂不拜干  
木羨之小字也

宋書光祿大夫謝莊子朏朏子瀹瀹子覽覽弟舉六代五人皆  
為吏部尚書竝有文集

謝莊代顏峻為吏書峻容貌嚴毅  
常有不可犯之色莊風姿温美有喧訴嘗歡笑答之時人語曰

顏吏部嗔而與人官謝吏部笑而不與人官

梁書范雲性機警有識且善屬文下筆輒成時人每疑其宿構  
為吏部尚書寄任隆重書牘盈案賓客滿門應答如流無所壅  
滯官曹文墨發擿若神時人莫不服其明瞻

瞻才氣不見凡流賓客不與交言但舉翦一揮衣冠恨之

袁昂雅有人鑒遊處不雜為吏部尚書梁帝謂曰齊明帝用卿  
為黑頭尚書我用卿為白頭尚書

徐勉為吏部尚書居選官彛倫有敘嘗與門人夜集客有虞曇  
求詹事官勉正色答曰今夕止可談風月不宜及公事時人服

其無私

隋書牛弘拜吏部尚書時高祖召諸儒論新禮隆殺輕重弘所

立議衆推服之仁壽二年獻皇后崩王公以下不能定其儀注  
楊素謂弘曰公舊學時賢所仰今日之事決在於公斯須之間  
儀注悉備素嘆曰衣冠禮樂盡在此矣非吾所及也其選舉先  
德行而後文才進用多稱吏職

三國典畧東魏以楊愔典選嘗六十人爲一甲愔令其自敘訖  
不省文簿便次第呼之無有誤者後有選人魯漫漢自言猥賤  
獨不見識愔曰卿前在元子思坊騎秃尾草驢經見我不下以  
方麴障面我何以不識卿漫漢驚服

北史辛術字懷哲遷吏部尚書遷鄴以後文襄少年高朗所弊  
者疎袁叔德沈密謹厚所傷者細楊愔風流辨給取士失於浮  
華惟術性尚貞明取士以才以器循名責實新舊參舉管庫必  
相門閥不遺考之前後銓衡在術最爲折衷

常世康爲吏

部尚書選用平允請託不行後復拜尚書前後十餘年間多所  
進拔朝廷稱爲廉平

南史張纘字伯緒大同二年徵爲吏部尚書後門寒素一介者  
皆見引拔不爲貴門屈意人士翕然稱之武帝詔曰纘外氏英  
華朝中領袖

唐新語唐初因隋制以吏部典選主者將親其人覈之吏事始  
取州縣府寺疑獄課其斷決而觀其能否此判之始焉後日月  
淹久選人滋多案牘淺近不足爲准乃採經籍古義以爲問目  
其後官員不充選人益衆乃徵僻書隱義以試之唯懼選人之  
能知也適麗者號爲高等拙弱者號爲藍羅至今以爲故事開



元中裴光庭為吏部始循資格以一賢愚遵平轍者喜其循常  
負材用者受其抑屈宋璟固爭不得選人非負譴者皆有升無  
降其庸愚沈滯者皆喜謂之聖書元脩義選吏部尚書在銓衡  
唯事貨賄授官小大皆有定

價時高居者先敘上黨郡關遂求之脩義私已許人抑居不與  
居大言不遜對眾呼天喝賊人問居曰白日公庭安得有賊居  
指脩義曰此坐上者違天子明詔物多者  
得官京師白劫非此大賊乎脩義失色

分紀唐張九齡入相用嚴挺之為尚書左丞知吏部選陸景融

知兵部選皆為一時精選左晉文公作執秩以正  
其官注執秩主爵之官

唐書裴光庭為相兼吏部尚書與中書令蕭嵩爭權不協及為

吏部奏用循資格并促選限光庭卒嵩又奏請一切罷之光庭

所引進者出為外職時有門下主事閻麟之為光庭心腹專知

吏部過官每麟之裁定光庭隨而下筆時人語曰麟之曰光庭

手

李嶠為李景讓天官表且夫八座位隆五曹望重典南宮之

喉舌象斗之樞機式資藻鑿奚綜賓實自非孝先亮直彥輔

公忠山濤之簡靜篤素顧譚之心精體密何以對揚天誓厭塞

人望顧斯政本實總國彛豈臣庸愚所堪尸忝伏願迴光寢照

返汗收恩察臣由衷之請矜臣陳力之議則朝端允穆天下至

公四始輟在梁之譏六爻無負乘之累

平園集宋晏敦復為吏部尚書上嘗嘆曰敦復凝重剛方當公

介然行總有序擿發清明事無奸滯山濤毛玠無以過之楊誠齋送

顏尚書聽履星辰北斗寒三台只隔寸雲  
問周家冢宰均天下漢制尚書本百官

宋樓鑰謝除權吏部尚書表竊以選部持衡夙號六卿之長文

昌聽履實爲八座之聯非素推公方不足以杞吏奸非妙有德望不足以厭輿論雖黃散之下無參異同而搢紳之流鮮不闕係宜求精敏之彥以當要劇之司

隋書吏部侍郎高孝基鑒賞機悟清謹絕倫房玄齡杜如晦與選孝基特加賞異後以爲知人

選舉志劉林甫貞觀初遷吏部侍郎初赴選者以十一月爲始至春即停選林甫奏請四時聽隨到注擬當時咸以爲便時天下初定州府及詔使多有赤牒授官至是停省盡赴集將萬餘人林甫選才銓擢咸得其宜時人以林甫典選比隋之高孝基通典唐侍郎掌選部流內六品以下官是爲銓衡之任凡初仕進者無不仰屬 貞觀二十二年二月文部侍郎盧承慶兼

檢校兵部侍郎仍知五品選事承慶辭曰五品選事職在尚書

臣今掌之便是越局太宗不許曰朕今信卿卿何不自信也

舊唐書裴行儉爲吏部侍郎典選有知人之鑒見王勳與蘇味道謂人曰二子亦當掌銓衡之任後勳果爲天官侍郎味道至相位 崔玄暉拜天官侍郎每介然自守卻絕請謁頗爲執

政所忌轉文昌左丞月餘則天謂曰自卿改職以來選司大有罪過或聞令史乃設齋自慶此欲盛爲貪惡今要卿復舊任

席豫爲吏部侍郎玄宗謂曰卿前爲考功職事平允故有此

授豫典選六年有令譽又盧從愿精力于官僞牒詭功檢擿無

所遺銓總六年以平允聞 高唐馮爲吏侍凡所銓綜時稱平允太宗賜金背鏡一面以表其精鑒焉

會要景雲元年盧從愿爲侍郎精心條理大稱平允其有冒名

偽選虛增功狀之類皆能摘發其事典選六年頗有聲稱時人曰前有裴馬後有盧李裴即行儉馬謂戴李謂朝隱 天官

郎中李至遠權知侍郎時有選人姓刁又有王元忠並被放乃密與令史相知減其點畫刁改爲丁王改爲士擬授官後即添成文字至遠一覽便覺曰今年銓覆萬人總識姓名安有丁士姓名此必刁某王某也省內以爲神明 龍朔二年司列少

常伯楊思玄恃外戚貴待選流多不禮而排斥之爲選者夏侯彪所訟御史中丞即餘慶彈奏免官時中書令許敬宗曰必知楊吏部之敗或問之對曰一彪一狼共看一羊不敗何待

唐書李乂字尚貞爲吏部侍郎仍知制誥與宋璟等同典選事請謁不行時人語曰李下無蹊徑制敕不便輒駁正貴幸有求官者睿宗曰朕非有靳顧李乂不可過耳 苗晉卿知吏部

選事性謙柔選人有訴訟索好官者雖至數千言或聲色甚厲者晉卿必含容之拜吏部侍郎前後典選五年政既寬弛胥吏多因緣爲姦賄賂大行 天后以許子儒爲天官侍郎不以

深鏡爲意其補官悉委令史勾直時謂勾直曰平配

分紀崔沔分掌吏部十銓事以清直歷秘書監時爲語曰丘山岌岌連天峻沔水澄澄徹底清 房穎叔拜天官侍郎自其

高祖景伯至穎叔四代咸居選部時論榮之

玫瑰集孫逢吉字從之進吏部侍郎朱公燾之去公力救之侍郎彭公龜年補外又言不應爲近習而逐正人一日會食部中或報王喜除閣門祗候公曰此乃優伶嘗於內庭效朱侍講容

止以儒爲戲者豈可以汚清選當抗疏力争否則於經筵論之  
飛語上聞內批爲郡

周必大謝吏部侍郎表臣聞古之銓綜存乎人今之銓綜一於  
法存乎人固可以得士然其弊也嘗曰予奪之不公一於法固  
可成私然其弊也或致賢愚之同滯而况簿書紛若胥吏雜然  
苟稽察之弗精將混淆而莫辨欲酌古今之中制常令人法之  
並行庶稍戢於吏姦亦以伸於士氣豈容虛受以畧明揚

孫覲謝吏侍兼權直學士表臣聞虞書三載黜陟之文周官群  
吏誅賞之法歷時千載分總四銓使夫人皆從容而自居則誰  
當以奮發而爲意攬轡而上粗有意於澄清奏刀欲前了無施  
於盤錯竊慙綿力實負初心

大明會典文選司掌天下官吏班秩品命凡銓綜選授之  
擬黜陟之法各叅伍而分理之 驗封司掌百官之封爵誥勅  
與夫置吏訓官給符考成之事咸綜理之 稽勲司掌邦國官  
人之勲級及名籍喪制歸寧之事皆覈實然後定擬 考功司  
掌文職官吏之考課及內外官之考察凡旌別訪舉及諸事故  
皆得稽之

世說山濤舉阮咸爲吏部郎中曰清真寡欲萬物不能移也

山公啓事吏部郎典碎事日夜相接非但當正己而乃當能正  
人議郎杜點德履亦佳太子庶子崔諒中郎陸准皆有意正人  
其次不審有可用者否

晉中興書阮放與從弟孚齊名爲吏部郎銓官之任甚有稱譽

性清約不理產業為郎不免饑乏永嘉官名吏部郎中品級字元甫世論以其為人夷曠似

宋書王微字景玄吏部尚書江湛舉微為吏部郎微與湛書曰

君平生云揚我名者殺我身天爵且猶滅名安用吏部郎哉其舉何陋其事不經非獨縉紳者不道僕妾皆笑之吏果之

字景行幼有孝行宋司空劉劭見而奇之謂曰見卿足使江漢

崇望杞梓發聲遷吏部郎參大選

北史孝文在洛欲創革舊制選置百官謂群臣曰與朕舉一吏

部郎必使才望兼允者給卿三日假又一日孝文曰朕已得之

不煩卿輩也驛徵亮兼吏部郎孝明親政仍兼吏部郎亮自參

選事垂將十年廉慎明決為尚書郭祚所委每云非崔郎不選

事不辨桓彝有鑒識庾亮每屬之訪一佳吏部別數曰三

都曰吾為卿得之人所應有而不必有人所應無而不必無徐

寧真海岱清士即遷吏部郎

南史何尚之字彥德以操立見稱為陳郡謝混所知與之游處

為吏部郎告休定省傾朝送別於冶渚及至郡父叔度謂曰聞

汝來此傾朝相送可有幾客答曰殆數百人叔度笑曰此是送

吏部郎耳非關何彥德也昔殷浩亦嘗作豫章定省送別者甚

衆及廢徙東陽船泊征虜亭積日乃至親舊無復相窺者

選舉志吏部郎中裴行儉始設長名榜列銓注期限等法又定

州縣陞降官資高下以為故事長名榜自此始也

考唐人選法取人以身言書判計資量勞而擬官始集而試觀其書判已試而銓察其身言已銓而注各給以符謂之告身

陸柱拜吏部郎表銓衡庶品歷選賓僚阮咸直素屢薦未登陸亮忠心裁居敗職自非李重清識李毅恬正何以區分管庫式鑒胥吏

梁顧憲之為吏部郎其祖凱之嘗為吏部於處中植佳樹曰吾為憲之植耳後果為此職

唐百官志吏部員外郎二人掌文選以三銓之法官天下之材其投試銓注與流內畧同謂之小選

唐六典吏部員外郎謂之南曹注其曹在銓曹之南常集鄭叔則制才盛居東之佐禮處司南之重高選髦士以分劇曹

分紀唐吏部郎中二廳先小銓次格式員外郎二廳先南曹次廢置舊說吏部為省眼

唐書裴度柳公綽俱為判官公綽先入為吏部郎中裴度以詩別兩人同日事征西今日君先捧紫泥裴遵度遷吏部員外

天寶中九流輻輳會府遵度敏識強記精覈時吏事第一

柳公權為司封員外郎入奏帝曰見卿筆蹟久因問用筆法權曰心正則筆正乃可法矣

劉禹錫碑常陂字商衡為吏部員外郎是曹在南宮為眉目在選士為司命公執直筆閱簿書紛拏盤錯一瞬而剖

唐書王徽轉考功員

外郎時考簿上中下字朱書吏緣為奸多有楷改微勸僕射請以墨書

宋書劉珙為吏部員外苦吏為奸一日命張幕設案置令式其中吏選集者得出入繙閱與吏辨吏無得藏其巧人甚便之

楊誠齋集張栻召為吏部員外郎廟堂用史正志為發運使奪州縣財賦遠近騷然栻為上言之上曰正志以為非取之民公

對曰今州縣財賦大抵無餘不過巧為之名以取之於民耳上

聞之矍然顧拭曰論此事者多矣未有能及此者如卿之言是朕假手於發運使以病吾民也閱實如拭言即詔罷之  
宋  
京鏜字仲達叅政龍茂良薦公于孝宗轉主管官誥院先是茂良帥豫章日得公牋奏之文奇之曰此汪彥章代言手也在職兩月詔從臣舉良縣令爲法官給事中王希呂以公應書即召見曰卿議論通明有用材也是日除監察御史

### 戶部

類聚戶部尚書周之地官卿也漢置尚書郎四人其一人主財帛委輸成帝置尚書五人其三曰民曹主人吏上尚書事後漢以民曹主繕脩功作當工官之任吳有戶部魏文帝置度支尚書寺專掌軍國支計又置左民尚書晉初省之有度支皆主算

也惠帝時有右民尚書隋開皇三年改度支民部唐因之宋初除安燾爲戶部尚書元祐元年門下侍郎司馬光欲令戶部尚書兼領左右曹而舊三司並歸戶部則吏權歸一詔尚書省立法左右曹錢穀尚書兼總使周知其數量入爲出而制國用元仍唐宋舊置戶部掌民籍貢賦官吏俸祿府庫倉廩歲計支用權衡度量法式坑冶錢幣寶貨恩賜之事置令史分掌名頭尚書爲之長 隋煬帝始置民部侍郎唐因之後改爲戶部龍朔二年改爲司元少常伯咸亨元年復爲戶部侍郎宋戶部之職皆歸三司元豐官制行戶部始總邦計置侍郎二員左曹五案右曹五案  
左戶口案稅賦案農田案檢法案知雜案  
右常平案免役案坑場案檢法案知雜案元仍之置戶部侍郎 周司徒屬官有下大夫蓋郎中之任也漢尚書郎

一人主戶口墾田吳張溫為戶曹郎魏有左民部曹有農部郎  
 中又為左人右人皆戶部也隋煬帝除侍字改民部郎唐為郎  
 中掌戶口田土賦役貢獻蠲免優復媼婚繼嗣之事以男女之  
 黃小中丁老為帳籍以永業口分園宅均其土田以租庸調歛  
 其物以九等定天下之戶以為尚書侍郎之貳其後以諸行郎  
 官判錢穀而戶部度支郎官失其職末元豐改官制罷三司歸  
 戶部左右曹而三司之名始泯矣元仍唐宋制置戶部郎中二  
 人周司徒屬官有上士蓋今員外之任後周依焉隋開皇置  
 民部員外郎煬帝改民曹承務郎唐改民部員外郎從六品上  
 掌領天下州縣戶口之事凡天下十道任土所出而為貢賦之  
 差分十道以總之宋尚書諸司郎中正七品元仍之置戶部員

外郎三人

國朝置尚書及左右侍郎司務照磨

正八品

檢校

品而十三司並設郎中員外主事分理庶務焉

晉書杜預為度支尚書內以利人外以救邊備物置用濟當時  
 之益者伍拾餘條

梁書劉溉為左民尚書溉美風儀善容止所至以清白自修性

又素儉不動聲色弟洽為御史中丞舊中丞不得入尚書下舍

洽引服親不應有礙刺省評決乃許入溉省亦以兄弟素篤不

能相別也

天中記駁劉氏到姓

南史蔡景歷字茂世入守度支尚書舊式拜官于午後景歷拜

日適逢輿駕幸玄武觀在位皆侍宴宣帝恐景歷不預特令早

拜其見重如此



隋書長孫平字處均拜度支尚書平見天下州縣多罹水旱百姓不給奏令民每秋家出粟麥一石已下貧富差等儲之問巷以備凶年名曰義倉

唐書王琚佐明皇平內難為戶部尚書帝於琚眷委特異預大政事號內宰相太宗幸翠微宮授司農卿李緯民部尚書房玄好齡聞李緯拜尚書如何對曰但云李緯好齡更無他語太宗遽改授緯潞州刺史

張鷟集虞書五教實委司徒之班周禮六卿爰開地官之位莫不織成都邑編緝賦黎設九土之網維成四方之管轄班固申犬牙之制疆場綺分應璩論馬齒之規井田鱗次戶標九等俱陳萬國之圖人有十倫並掛三年之籍注西都賦曰疆場綺分又云原隰龍鱗之次應璩詩曰九州相錯雜相次如馬齒虞書

可與領裴珀制及領地官且司邦賦會計事劇出納孔殷投利刃而皆虛委勢然而必理

李嶠讓地官尚書表八座樞機五曹要劇上儀七星之象旁理萬邦之教自非元凱之明允忠肅陳韓之敦璞淳深將何以釐正版圖擾安邦國隋開皇改度支為民部唐永徽復改為戶部初戶部居禮部之後武后改置天地四時之

官以戶部為地官由是禮部前因詐錄帝煥辭判戶部歸謂甥姪曰已讓版使矣分紀畢構遷戶部尚書開

元四年遇疾上手疏方以賜之時議戶部尚書為凶官遽改授太子詹事異有瘡瘳尋卒

長編李常字公擇為戶部尚書常文士少吏幹或疑不勝任以

問司馬光光曰使此人掌邦計則天下知朝廷非急於征利貪

吏望風培克之患庶幾少息常為戶部尚書作元祐會計錄三

十卷 韓忠彥字師朴召為戶部尚書時元祐會稽錄初成  
入狹而用廣忠彥憂之因言歛節財用遂裁省冗費置局於戶  
部

六典唐戶部侍郎有二員判使按者別一署謂之左戶元和後  
選舉華重宰相多由此進崔群既相孟簡代之

舊唐書盧承慶思道孫也美風儀有才幹太宗竒其明辨累拜  
民部侍郎太宗嘗問歷代戶口多少之數承慶叙夏殷以後迄

于周隋皆有依據 李絳為戶部侍郎判本司事嘗因次對

憲宗曰戶部比有進獻至卿獨無何也對曰將戶部錢獻入內  
藏是用物以結私恩上聳然益嘉其直

李元紘歷工兵吏三侍郎上令公卿精擇堪為戶部者多薦元

紘特授以戶部尚書執政以其資淺乃拜侍郎元紘因條奏八  
間利害及時政得失以奏之

唐書楊瑒為戶部侍郎帝嘗召宰相大臣議天下戶以延英殿  
瑒言利病尤詳帝容賞於是宇文融建檢脫戶餘口瑒執不便

融方貴公卿喑默唯唯獨瑒抗議故出為華州刺史

蘇軾趙瞻可戶部侍郎誥理財正辭禁民為非曰義先王之論  
理財也必繼之以正辭名正而言順則財可得而理民可得而

正自頃功利之臣言政而不及化言利而不及義中外紛然朕  
益厭之具官趙瞻明於吏事輔以經術忠義之節白首不衰爰

自秩宗擢貳邦計將使四方之人知予耆老舊德居此官者蓋  
有盡徹之意焉

朱元晦與鍾戶侍書前日之爲戶部者爲之詔符檄急郵傳切責提刑提刑下之州州取辦於縣轉以相承急於星火奉行之官如通判事者利於賞典意外督趣無所不至此錢既非經賦常入爲民所逋貫官吏所侵盜而以一歲偶多之數制爲定額責使償之自戶部四折而至於縣如轉圜於千仞之坂至其址而其勢窮矣縣將何取之不過巧爲科目以取之於民耳州又使人持符來逮吏繫治撻擊以必得爲効縣吏不勝其苦日夜相與撼其長官以科率事不幸行之則官得其一吏得其二三並緣爲姦何所不有是則議者所謂督責官吏者乃所以深爲之地而重困天子所甚愛之民也夫吏依公以侵民又陽自解亦相取而怨曰朝廷不卹我等耳

會典戶部浙江等十三司分掌錢穀諸務有註差者從吏部選授有題差者疏名上請有部差者本部劄委其限或三年或一年或一季而代其各司分轄各省萬曆三年議准以北直隸府州衛所歸併福建司南直隸府州衛所歸併四川司鹽政併山東司在外臨德諸倉併雲南司在內御馬象房等倉歸廣西司崇文潁墅等關歸貴州司其在京衛分及各衙門分屬十三司帶管不一

唐制諸郎中不自員外拜者謂之土山頭果毅言其不歷清資便拜高品有似長征兵士便得邊遠果毅也趙謙光遷戶員外賀陵戲詠云員外由來美郎中望不優寧知粉署裏翻作土山

頭光酌陟詩云錦帳隨時設金爐任意薰唯慙員外置不應列

星文

詩話帝維字文紀為戶部郎中善裁剖時員外郎宋之問工詩

戶部二妙

唐盧倫為戶部郎中有詩名於貞元中與李端司空曙之徒名為十才子形於圖畫以美其名

世說唐戶部與吏部鄰時吏部移牒令戶部列棘以備交通呂

太一為戶部員外郎荅曰春彼吏部銓總之司當須簡要清通

何必設籥樹棘時賞其清俊

魏晉儀注魏有嚴部郎中

周禮職金掌凡金玉錫石丹青之戒令漢尚書郎四人其一主

財帛委輸古金部之任也元戶部令史有金科張鷟集太寶曰

位夏陳納貢之書聚人曰財漢有藏錢之府莫不取之以道用

之以時不役人以奉身不遣人以供國自鹿臺重賦東夏為墟

鴻都賣官西園成市

曲阜陳紘制郎吏文曰之高選司珍民部之劇曹

隋書盧昌衡為僕射祖孝徵所薦遷金部郎孝徵曰吾用盧二

均為尚書郎自謂無愧幽明矣

周地官有廩人下大夫為倉人司祿之長掌九穀之數調賜蠲

食以知足否蓋倉部之任也元戶部令史有倉科元微之范季

睦制出納必愴有司之常貳上下之價則茫昧者受敝雜苦良

之質則豪右者受贏惟一惟公乃罔不同唯平唯實乃罔不吉

唐書畢緘為倉部郎中故事要家勢人部倉駕二部居之者不

悅緘授之恬然如處美官無異言宰相知之遷職方郎中兼侍

御史知雜

孟簡為倉部員外郎王叔文為戶部侍郎簡為

其屬中立正色凝然不附

漢置度支侍郎六朝並有度支郎中掌支度國用租賦多少之數物產豐約之宜每歲計有所出而支其所用元戶部令史有

內外度科張鷟集鳴鶴登朝西京雜記唐考功員外廳事有薛稷畫鶴宋之問為贊含鷄

伏首雜記曹元理善算田筋知二困之米不差升斗轉筋之敏未見稱奇聚米之能無

問播美張蒼之善算國用詎肯留情馮勒之攷計軍儲魯何介

意年支國賦為政之嘉猷歲計軍儲邦家之要務位參計會職

縮度支唐故事度支案郎中判入員外判出侍郎總統押案

唐書崔仁師為度支郎中嘗奏度支財物奏數千言手不執本

太宗令杜正倫齎本與仁師對唱一無差殊太宗大奇之

筆談貞觀中勅下度支求杜若省郎以謝眺詩云芳洲采杜若

乃責坊州貢之當時以為笑

宋仍舊制以三司大將軍為都糧料使自開寶六年以著作佐

郎陸光範克改用京官自此始太平興國伍年分諸司馬軍步

軍為三院八年以馬軍步軍合為一院雍熙四年命供奉官陳

處晦勾當諸司糧料供奉官曾祚勾當馬步軍糧料自後復分

馬步軍為兩院或以諸司使副分主之端拱二年復以京朝官

主之元令史分掌有糧草科轉運天下糧草急闕規畫等事

宋晝汪大猷字仲嘉幹辦行在糧料院文書盈几日不給視公

間摘一二無不切中老吏驚嘆謂未有也或言推貨務在藏庫

有羨儲朝旨以委公躬自檢校得其實以對

宋以三司使總邦計元令史分掌有審計科審計天下見在錢

帛可支年月

吳博古審計院廳壁記審計非古官也而原於古古者凡官府皆有要會而財用稍食之會尤詳國初以三司使總邦計司各者不能備察而姦容焉淳化三年始用戶部使樊知古奏別其籍復別為院置官專領之以聽稍食之要貳

禮部

類聚禮部尚書周春官卿漢成帝置尚書四人其四曰客曹主外國夷狄事光武分六曹吏部曹兼掌選舉齋祀事皆禮部也魏尚書有祠部曹宋祠部尚書領祠部儀曹二曹隋為禮部尚書唐因之宋元豐正名除尚書闕元祐六年以梁燾為禮部尚書元仍禮部掌凡禮樂祠祭燕享貢舉釋道四方使客諸等禮

貢牒設帳設之事置令史分掌名頭

隋煬帝初置禮部侍

郎唐因之掌策試貢舉及齋祀弘崇國子生等事舊制考功員外郎典貢舉開元中李昂為進士李權所詆朝議以考功位輕不足以臨多士次年遂以禮部侍郎掌焉宋元豐正名除戶部侍郎謝景溫為禮部侍郎元仍之

周太宗伯屬官下大夫

蓋郎中之任也北齊有殿中郎儀曹郎殿中掌表疏儀曹掌吉凶禮制皆禮部郎中之職宋元豐正名初除劉摯王子韶為之建炎二年詔禮部郎官一員兼主客元仍之

周太宗伯屬

官有上士今員外郎之任也隋開皇置禮部員外郎煬帝改儀

曹承務郎宋諸司員外郎正七品元仍之

國朝置禮部尚

書及左右侍郎司務儀制司祠祭司

東晉而下逮北齊皆有祠部郎後周春官府有典祠

中大夫唐龍朔改司禮大夫主客司主客之職周有之漢置尚書郎四人其一主匈奴蕃部魏主客左右南北隋為主客郎大精膳司兼設郎中員外主業改司蕃郎唐龍朔改為司蕃大夫

事分理焉  
書帝曰咨四岳有能典朕三禮僉曰伯夷帝曰俞咨伯夷作秩

宗夙夜惟寅直哉惟清李絳制宗伯秩禮是為大僚

周禮太宗伯之職掌建邦之天神人鬼地示之禮以佐王建保

邦國

唐書李綱字文紀初仕隋官不進筮之得易卦筮人曰君當為

卿輔待易乃如志至唐終禮部尚書

陳叔達字子聰太宗時拜禮部尚書建成元吉嫉害太宗陰行

諧毀焉祖惑其言將有貶責叔達固諫乃止至是太宗勞之曰

武德時危難潛構知公有讜言今之此拜有以相答也

高宗謂裴行儉曰卿文武兼資故授卿以二職即日拜禮部尚

書兼檢校右衛將軍北史後魏孝文正馬圍留宋弁兼禮部尚書攝七兵事及行執手曰國之大事在祀

與戎故令卿管攝二曹

僉載禮部尚書祝欽明頗涉經史不閑時務博碩肥脂頑滯多

疑臺中小吏號之為蝮蝮者肉塊無七竅秦穆公時野人得之

張鷟集典朕三禮大舜委於姜夷分勅六卿成王任於彤伯建

茲歲首寔曰春官敦叙九族之親欽若五常之教祀天郊地之

典舉其宏綱朝日夕月之儀撮其機要

北夢瑣言偽蜀韓昭仕為禮部尚書琴棋書算射法悉皆涉獵

李台轂曰韓八座仕藝如折襪線無一條長

南豐擬制昔舜命伯夷典禮后夔典樂至周并為宗伯之任今禮部尚書蓋其任也典畧契為司徒百姓和親夔主賓客遠人畢至

通畧豐稷為禮部尚書哲宗升祔議功臣配饗稷以為當用司

馬光呂公著或者謂二人得罪於哲宗廟或不可用稷曰止論

其有功於時爾如唐五王配享中宗豈非得罪於中宗者哉

高麗貢使請買書籍朝廷以故事盡許之禮部尚書蘇軾言漢

東王求諸子太史公書猶不許今可與乎詔曾經買者許依例

周必大辭禮書并翰苑奏狀竊惟掌禮代言班高選遴國初陶

穀雖嘗兼領然宗伯猶是階官未率屬也元祐中獨蘇軾文章

學問稱此兩職然亦先後迭居不聞並命自紹興至于乾道沈

與求孫近胡交修楊椿汪應辰俱是六卿祇帶兼權學士有以

見名器之重不輕畀附如此今臣至愚極陋無一可取積謬

遇徧歷清華

謝除禮書兼翰學表宗伯綴文昌之座已高曳履之班翰學依

華蓋之星尚玷續綸之直當聖主謹持於公器獨愚臣常愧於

私人申謝臣竊考自古豪英之才旋視當今文學之士或抑厭

草茅之下或陸沉州縣之中瞻城南尺五之天致身無路想玉

階方寸之地通籍幾人况乎出入禁嚴周旋侍從論思獻納日

邇清光杜甫詩及平貞觀初尚書或台斗

舊唐書韋陟為禮部侍郎陟好接後輩尤鑒于文雖詞人後生

靡不諳練曩者主司取與皆一場之善登其科目不盡其才陟

先責舊文仍令舉人自通所工詩筆先試一日知其所長然後



依常式考覈片善無遺美聲盈路

唐賀知章從太常少卿遷禮部侍郎兼授學士一日併謝訖謁  
宰臣源侍中曰賀公久著盛名今日一時加二榮命並為學士  
之光輝雖然學士與侍郎孰為美燕公曰侍郎自皇朝已來為  
衣冠之華選自非履歷清要望實共美者無以居之雖然終是  
具員之吏又非往賢所慕學士懷先王之道為縉紳軌儀蘊揚  
班之詞彩兼遊夏之文學始可處之無愧二美之中此為愈也  
李揆字端卿乾元初兼禮部侍郎揆嘗以主司取士多不以實  
其試進士文章請於庭中設五經諸史及切韻本於床而引貢  
士謂之曰大國選士但務得才經籍請恣尋檢由是旬月之間  
美聲上聞

崔氏兄弟六人邠鄆凡為禮部五吏部再居光德里構便齋  
宣宗曰邠一門孝友可為士族法因題曰德星堂後京兆民即  
其里為德星社

唐書鮑防進禮部侍郎得穆質等時比歲旱策問陰陽祲沴質  
對漢故事免三公卜式請烹弘羊指當時輔政者右司郎中獨  
孤恂欲下質防不許曰使上聞所未聞不亦善乎卒致質高第  
帝見策嘉之

帝純為禮部侍郎取士抑浮華先行實嘗從容奏曰禮部侍郎  
重於宰相帝曰侍郎是宰相除安得重曰然為陛下揀宰相者  
得無重乎帝美其言

王起字舉之代錢徽為禮部侍郎掌貢二年得士尤精先是貢

舉猥濫勢門子弟交相酬酢寒門俊造十棄六七及元稹李紳  
在翰林深怒其事故有覆試之科及起考貢士奏當司所選進  
士據所考雜文先送中書令宰臣閱視可否然後下當司放榜  
從之議者以為起雖避是非失貢職也

賈至轉禮部侍郎是歲至以時艱歲歉舉人赴省者奏請兩都  
分試從之兩都試舉人自此始也

職類唐制擢以公望貳于秩宗豈惟神人之和兼舉孝秀之目

授帝賈之禮侍禮闈儀曹典郊祀之禮獻賢能之書今小宗伯  
實兼二事非直清公正者不足以處之劉禹錫寄王侍郎放榜  
詩禮闈新榜動長安九陌人人走馬看  
一日名聲徧天下滿城桃李屬春官

五代史後唐同光初裴皞拜禮部侍郎前後三知貢舉晉高祖  
時宰相桑維翰亦成名於皞榜下嘗謁皞於私第皞不迎不送

或問之答曰皞見維翰於中書則庶寮也維翰見皞於私館則  
門生也何送之有人亦重皞耿介

中興係年錄禮部侍郎曾開知婺州先是秦檜語和議曰此事  
大係安危開於坐中抗聲曰丞相今日不當說安危止合論存  
亡爾檜矍然驚其言遂令出守

周必大謝除禮部侍郎表臣聞知人繇乎克哲分職著於周官  
明三德以有家所以撫五辰而凝庶績佐六卿而率屬所以倡  
九牧而阜兆民何畏巧言其惟吉士如臣者以一介甚疎之跡  
荷兩朝特達之知槐市蓬山早塵華選烏臺鸞掖浸陟要班所  
期顯黜乃誤殊遷惟宗伯古之清曹惟貳卿今之膺任禮樂自  
天子出雖上稟於聖謨遵豆則有司存當俯求於故實夫何鄙

朴而許攝承夙夜直哉惟清莫遂夔龍之選文章煥焉可述更懸班馬之工

洪邁賀西掖賈禮侍啓晉貳春官仍躋內史紫荷挈處光搖萬玉之班紅藥翻時風動五花之判

會典儀制司分掌禮儀宗封學校貢舉之事 祠祭司分掌郊廟群祀之典及喪禮曆日方位之事 主客司分掌諸蕃朝貢

接待給賜之事簡其譯伴明其禁令凡百官 恩齋各省土貢亦隸焉 精膳司掌宴享牲豆酒膳之事會其品數程其出納

膳羞筵宴下程

南史梁武帝問徐勉求一有學藝解朝儀者為尚書儀曹郎勉曰孔休源識見清通詳練故事帝即日除儀曹郎每建議訪問

前事休源即以前所誦記隨機斷決曾無疑滯吏部任昉嘗謂之

孔獨誦 齊書孔過為齊尚書儀曹郎屢歲闕禮多見信納上謂王儉曰孔過真所謂儀曹也

劉杳字士深博綜羣書沈約任昉以下每有遺忘杳訪問焉累

遷尚書儀曹郎僕射徐勉以臺閣大儀專委杳焉

唐職林舊說禮部郎中掌省中文翰謂之南宮舍人王鞏見聞

錄神宗與宰相議更官制至禮部郎中曰此南宮舍人非他曹

比可除劉摯 唐彭景直禮部郎制容臺是則僊闕成推唐授禮部郎制儀曹之任實籍文雄郎吏之選必資時秀

宋王元之詩須知百口掌絲綸禮部百日内須知制誥

石林燕語元豐官制禮部郎中謂之名表郎官別有印名曰名

表郎印大朝會等賀及春秋謝賜衣請上聽政之類宰相率百

官奉表皆禮部郎官之職大觀以後朝廷慶賀事多非常例郎

官不能得其意蔡京乃命中書舍人雜爲之既又不欲有所去  
取於是間參取首尾或其一二聯次比成之當時謂之集句表  
禮部所撰惟春秋兩謝賜衣表而已

言行錄宋劉敞字原父天子將親大袷于太廟丞相欲加上尊  
號公以禮部燕領名表丞相請撰表公說止之遂上疏章凡四  
天子得公奏曰我意本謂當如此遂斷章表不受公於是忤時  
相

唐晝李珣爲殿中侍御史宰相韋處厚曰清廟之器豈擊搏材  
乎除禮部員外郎

崔澹舉止秀峙謂玉而冠者爲禮部員外郎當時士夫以流品  
相尚惟名德者謂之首

韋叔夏授春官員外郎則天將拜洛及享明堂別受制與堂所  
大儒祝欽明郭山惲撰定儀注衆咸推服之

嶺表錄異劉禹錫爲禮部員外郎方與譯者從容論段文昌入  
謁既去譯者謂禹錫曰員外須待十年之後此客入相方轉正  
曹郎耳自是禹錫決意連受外官十餘年文昌入相方除禹錫  
禮部郎中

續要會禮部郎中員外郎凡講議制度損益儀物則審覆有司  
所上之狀以次諮決而質於尚書省

春明退朝錄員外廳爲瑞錦富廳前有大石諸州府送到廢印  
皆於石上碎之又祥瑞圖亦掌於員外廳令狄楚元和中任員  
外郎有詩曰移石幾迴敲廢印開廂何處送新圖

鄭谷寄同年趙郎中詩仙步徐徐整羽衣小儀澄澹轉中儀注  
唐制員外郎謂之中儀主事謂之小儀

魏志徐邈為祠部上言南北郊及論明堂宗廟毀建言皆有證

晉周捨博學尤精義理善誦詩書吏部尚書范雲重其才器言之梁武帝召拜尚書祠部郎禮儀損益多自捨出

南史賀德基世傳禮學祖文發父淹至德基三世為祠部郎德

基於禮記稱為精明時吳郡顧越弱冠遊都下討論無倦與文發相埒故謂發越焉

唐書姚察為尚書祠部侍郎舊魏王肅奏祀天地設宮懸之樂

八佾之舞至梁武帝以為事人禮縟事神禮簡古無宮懸之文

陳初承用莫有損益宣帝欲備樂付有司立儀以梁武為非時

碩學名儒咸希旨察乃博引經籍獨違群議據梁樂為是當時

莫不懃服

因話錄祠部呼為冰廳言清且冷也唐省中語後行冰屯不博

中行都門國史補中行刑戶不博後行駕部通典開元令尚書

前行戶部為中行禮工為後行

國史趙彥若遷祠部員外郎先是宗廟薦新仲秋用芟萌不經

易以蒲白彥若曰蒲春始生可食秋則過時不可以薦乃據引

經傳改從春薦

後漢何遜少有美望公府中十辟一無所就由是名重華夏起

家為尚書主客郎

北史魏收為主客郎接梁使謝琨徐陵為散騎常侍魏使魏人

授館宴賓是日甚熱主客魏收嘲徐陵曰今日之熱由徐常侍

來陵即答曰昔王肅至此為魏始制禮儀今我來聘使卿復知

寒暑收大慙

兵部

類聚兵部尚書周之夏官卿也漢置五曹未有主兵之任魏置五兵尚書謂中兵外兵騎兵別兵都兵也晉太始中有五兵尚書後魏置七兵尚書隋改兵部尚書天寶改武部尚書至德復掌武官選舉其分領選舉爲三銓如吏部宋元豐五年九月詔應沿邊義勇保甲事並隸樞密院其餘民兵悉隸兵部建炎三年併衛尉寺歸兵部元仍舊置兵部掌兵籍軍器鎮戍廐牧舖驛車輅儀仗郡邑圖志險阻障塞之事置令史分掌名頭以尚書爲長 兵部侍郎周夏官小司馬中大夫也漢以來有侍郎隋置兵部侍郎唐因之正二品總章元年加一員掌武選地圖

車馬甲械之政令凡軍以籍統隸者閱習按試選募遷正名令許將試兵部侍郎自此始也元仍之置兵部侍郎 周大司馬屬官有軍司馬下大夫蓋郎中之任也魏有五兵郎曹晉有七兵皆置郎中梁陳有左右中兵左右外兵騎兵郎曹皆置侍郎亦郎中任也隋初爲兵部侍郎又改兵曹郎唐因之宋初除潘良器本曹所治之事郎中員外郎參掌之建炎三年併省冗職以兵部郎中兼職方元置兵部郎中 周大司馬屬官有司輿司馬上士蓋員外郎之任也隋置兵部員外郎煬帝改兵書承務郎唐改兵部員外郎宋諸司員外郎正七品兵部本曹所治之事員外郎參掌元仍之置兵部員外郎 國朝置兵部尚書及左右侍郎司務武選司職方司車駕司武庫司並設郎中員

外郎主事分理焉

河圖黃帝坐玄扈之樓上與司馬容光臨觀鳳凰之至乃以夏

官為縉雲縉赤

齊王珪職儀大司馬其在少昊則睢鳩氏之任顓頊以司馬主  
火堯命羲叔為司馬夏官也虞夏二代以司夏官棄居其職周  
成王以畢公高為司馬楚漢之際曹無咎周殷始居其職

唐書姚崇為宰相兼兵書屯戍斥堠士馬儲械無不暗記崔融

議伏望詔東西二曹兩都分  
簡注東為吏部西為兵部

李嶠為揚執宗讓夏官尚書表憑託霄漢接南陽之近親感會  
風雲附西京之外戚豈惟連芳八座上比七星固亦分職五曹  
專司九法

言行錄宋祀南郊蘇軾以兵部尚書為鹵簿使上因太廟宿齋  
行禮畢特至青城忽有赭傘犢車并青蓋犢車百餘乘衝突而  
來公呼御營巡檢使立車前曰西來誰何敢以亂行曰皇后并  
某國大夫人某大長公主也公即於青城上疏劾之明日中使  
傳命申勅有司嚴整仗衛

周必大兵部長貳題名記本朝放唐六典曰兵部凡民兵廂軍  
蕃兵剩員武舉校試武藝金吾衛司人兵及大將軍出征告廟  
破賊露布鹵簿字圖若蕃夷屬戶授官封之事皆主之曰職方  
凡天下地圖城隍堡寨烽堠之數蕃夷歸明內附之事皆主之  
曰駕部掌凡輦輅車乘廐牧雜蓄乘具傳驛之政令辨其出入  
之數曰庫部掌凡軍器儀仗鹵簿法式隨軍防城什物及凡供

帳之事是爲四司而其主判率用他官所謂長貳姑以寄祿而已尚書今銀青光祿大夫也侍郎今正議大夫也位序既高非宰執侍從鮮能至故方任事時自揚乃職有如歸班猶弗敢替盡規之義名公鉅卿磊落相望抑有由也元豐肇新官制尚書從二品侍郎從三品實坐曹治事名稍正矣而武選隸天官兵政歸西府其職視唐猶簡况於成周乎

唐書太宗有事遼東以揚弘禮有文武材擢拜兵部侍郎專典兵機之務弘禮每入參謀議出則統衆攻戰駐蹕之陣所向摧破太宗自山下見弘禮所統之衆人皆盡力殺獲居多甚壯之謂許敬宗等曰越公兒郎故有家風矣

唐常渙字子裴遷兵部侍郎與同寮蕭寔深爲宣宗所遇每二人同且無不召見詢訪時事每有邦國刑政大事中使傳宣草詞渙心欲論諫即曰此一事須降御札方敢施行遲留至旦必論其可否上皆多從之

隋唐佳話楊弘武爲司戎少常伯高宗謂云某人何因輒授此職對曰臣妻韋氏性剛悍以此人見囑臣若不從恐有後患以諷帝用右言也

盧元輔字子望杞子也爲兵部侍郎元輔自祖至曾以名節著於史冊元輔簡潔貞方綽繼門風歷涉清貫人亦不以父之醜行爲累人士歸羨

北盟會編宋王敏節度爲兵部侍郎對便殿口陳手畫秦隴形勝利害上大喜即日遷兵部尚書



事畧宋許將入爲兵部侍郎條奏八事以爲兵之事有三曰禁  
兵曰廂兵曰民兵馬之事有三曰養馬曰市馬曰牧馬兵器之  
事有二曰繕作曰給用

周必大謝兵侍兼直學士表司戎任重視草才難自非文武之  
兼資曷副國家之遴簡歷考正元而後惟陸贄衛次公之並充  
載稽南渡以來有汪藻蔡宗禮之故事

會典武選司掌武官陞調襲替優給誥勅功賞之事 職方

司掌天下地圖城隍鎮戍營操武舉巡邏關津之政 車駕

司掌鹵簿儀仗禁衛及驛傳廐牧之事 武庫司掌軍政武

學及戎器儀仗并諸雜行冗務

唐書裴光庭轉兵部郎中既歷清要人未之許及在職公務脩

整芸衣皆嘆服

唐制兵部郎中二員一員掌判帳及天下武官之階品衛府之

名數一員掌判簿以總軍戎差遣之名數南豐制司武之倚重于文昌呂公稱制始

寵七兵之秩用服一臺之華  
非易勅制夏卿首曹中臺妙選

唐書姚崇遷夏官郎中時契丹寇陷河北數州兵機填委元崇

剖析若流皆有條貫則天甚竒之超遷夏官侍郎 盧奕懷

慎之子與兄奐齊名開元中任京兆司錄參軍天寶初爲鄆縣

令兵部郎中所歷有聲皆如奐之所治也 蕭愿梁宰相傾

之子性淳謹承事父母未嘗不束帶而見然性嗜酒無節職事

弛慢爲兵部郎中日掌告身印覃恩之次頗怠職事父傾爲吏

部尚書代愿視印篆其散率如此

常執誼始未顯時不喜人言嶺南州縣既爲郎嘗詣職方觀圖  
至嶺南輒瞑目命左右徹去及爲相所坐堂有圖不就者既易  
旬試觀之崔州圖也以爲不祥惡之果貶死

周必大兵部郎官題名記本朝除郎之路雖廣而其要有三館  
閣一也寺監丞二也監司郡守三也近歲室其二卿監或可徑  
至而郎非歷監司郡守不可得其不輕而重也較然矣司馬列  
屬四中興初僅嘗備官建炎三年夏始以駕蕪庫以兵兼職方  
其選清故平居無事多處文學之臣其權重故從軍若將命則  
往往假以爲寵此其大畧也

六典員外郎二人一人掌貢舉及雜請之事凡應舉之人有謀  
及才藝平射筒射皆待命以舉若州府歲貢皆勸責文狀而引

試焉一人掌選院謂之南選曹每歲選人有解狀簿書卷歷考  
課必由之以覈其實乃上三銓進用則書焉

漢書魏徵薦杜正倫擢兵部員外郎太宗勞之曰朕舉賢者非  
朕獨私以能益百姓也

周夏官司甲下大夫唐司戈者弓矢之長各辨其物以待軍事  
唐庫部之任也後周有小武藏大夫唐庫部郎中員外郎掌鹵  
簿戎器儀仗元兵部令史分掌名頭有儀仗

南史顧琛字弘璫遷尚書庫部郎元嘉七年文帝遣到彥之經  
畧河南大敗悉委棄兵甲武庫爲之空虛文帝宴會有歸化人  
在座上問琛庫中仗猶有幾許琛詭辭答有十萬人仗舊庫仗  
秘不言多少上既發問追悔失言及琛詭對上甚善之

唐書陸象先弟景倩景融景獻景裔歷河南令庫部郎中皆有  
美譽僧一行少時與象先兄弟相善嘗謂人曰陸氏兄弟皆有  
才行古之荀陳無以加也甚為當時所稱 孔若思勵學明經  
歷庫部郎中嘗曰仕宦至郎中足矣座右置水一石明自足意  
周夏官屬有與司馬有校人主馬之官有牧師掌牧政有中車  
掌公車之政及王之五輅皆駕部之本也晉魏尚書有駕部郎  
唐龍朔改司輿大夫天寶中改司駕宋駕部司事一人以無職  
事朝官元豐改置郎中員外郎始實行本司事參掌輿輦車  
馬驛置廐牧之事大禮則戒有司具五輅凡奉使之官赴闕視  
其官職及所治事給馬如格官文書則量其遲速附馬步急遞  
雁內外監牧租入多寡孳產登耗皆檢察馬元令史分掌各頭

有車輅

分紀北齊馮子琮為駕部郎中攝庫部孝昭帝魯閣簿領試令  
口陳子琮聞對無有遺失

通典隋辛公義為駕部郎勾檢馬牧所獲十餘萬匹帝嘉曰唯

我公義奉國竭忠

刑部

類聚刑部尚書周秋官卿也漢成帝時尚書初置二千石曹主  
郡國二千石又置三公曹主斷獄光武改三公曹主考課二千  
石曹掌中都官水火盜賊辭訟罪法晉初依漢置三公尚書掌  
刑獄宋始置都官尚書皆掌刑獄隋開皇改刑部天寶改司憲  
宋刑部尚書侍郎郎中止為階官尚書掌天下刑獄之政令而

侍郎郎中員外郎分治其事元刑部掌律令格式審定刑名奴婢配隸關津機禁城門啓閉之事置令史分掌名頭以尚書為長周秋官小司寇中大夫也漢以來有侍郎隋煬帝置刑部侍郎天寶為憲部侍郎掌律令刑法覆按大理及諸司應奏之事宋元豐正名除大理卿崔台符為之元仍唐宋舊置刑部侍郎周大司寇屬官有士師下大夫蓋郎中之任也漢尚書有三公曹後漢有二千石曹魏有都官曹皆掌刑法獄訟之事宋元豐正名初除胡瑗杜紘建炎詔刑郎以二員為額紹興詔見任郎官依元豐舊法分左右廳治事從右司汪應辰之請也元仍唐宋置刑部郎中周大司寇屬官有上士蓋員外郎之任也元仍唐宋置刑部員外郎二人國朝置刑部尚書及左右

侍郎司務照磨檢校司獄又有十三道並設郎中員外郎主事分理庶務焉

書司寇蘇公式敬爾由獄以長我王國張鷟集國之二柄在德與刑邦之三典惟清與

慎大舜有欽恤之言穆王有哀矜之教

周禮大司寇之職掌建邦之三典以佐王刑邦國誥四方常衮制

我五教掌茲三典中興題名設官分職以司獄事

宋書徐孝先為都官尚書自晉以來尚書寮皆携家屬居省省在臺城內下舍門中有閣道東西跨路通于朝堂其第一即都官省西抵閣道年代久遠多有鬼怪每夜昏之際無故有聲光或見人着衣冠從中出尚書周確卒於此省孝先代確即居之經兩載妖變皆息時咸以為真正所致

梁書羊侃為都官尚書令何敬容用事與之並省未嘗遊造宦者張僧胤候侃曰我牀非闍人所坐竟不前之時論美其正直

唐書劉祥道遷司刑太常伯每覆大獄必歔歔累歎奏決之日

為之再不食李適之拜刑部尚書適之雅好賓友飲酒數十不亂夜則宴賞晝決公務庭無留事

顏真卿為檢校刑書永泰中元載引用私黨請百官凡欲論事

必先白長官長官白宰相後聞奏真卿上疏曰天寶後李林甫

威權日盛群臣不先咨宰相輒奏事不過託以他故中傷猶不

敢明約百司令先白宰相如今日之事曠古未有陛下不蚤覺

悟漸成孤立於是中人爭寫內本布於外

崔隱甫潔介自守以強正稱為刑部尚書帝欲相之也曰牛仙

客可與語卿常見否曰未也帝曰可見之隱甫終不詣他日又

問對如初帝乃不用贊曰嚴挺之拒宰相不肯見李林甫崔隱甫

違詔不屈牛仙客信剛者乎

柳公綽為刑部尚書京兆人有姑鞭婦至死者府斷以償死公

綽議曰尊毆卑非闍且其子在以妻而戮其母非教也竟得減

死

宋書韓忠獻琦知審刑院先是盜殺同黨既自已就捕例不抵

死公曰此但并有其貲或就滅其口非有自新改過之心無足

矜者請更議其法乃詔盜殺其徒而不首者毋得原

蘇頌字子容神宗朝知審刑院知金州張仲宣受財枉法抵死

法官援前比貸死杖脊黥配海島公奏古者刑不上大夫今刑

為徒隸恐汗辱衣冠耳仲孫由是得免杖黥止流海外自是命

官刑無杖黥者

吳永叔辭權除刑書狀載念士官之所掌實於國脉而相關舜不賴臯陶之明何以佈好生之德周不得蘇公之敬安能審用法之中必惟良臣所稱公選若冒司於臬事恐紛致於人言又辭切謂文昌高於法從憲部重於諸曹訟牒滋繁非膚敏之才不足以剖析情偽刑章紛委非諳通之識不足以分別科條如某謾學綴文未閑讀律使之討論潤色尚能奏溥枝於詞林若曰糾禁議詢何以宅嘉師於王國

周禮小司寇之職以五聽聽獄訟求民情一曰辭聽二曰色聽三曰氣聽四曰耳聽五曰視聽以三慮畫其情一曰明慎以讞獄二曰哀矜以雪寃三曰公平以決庶獄以八辟麗邦法附

刑罰一曰議政之辟二曰議故之辟三曰議賢之辟四曰議能之辟五曰議功之辟六曰議勤之辟七曰議貴之辟八曰議賓之辟

唐職林有大獄即命御史中丞刑部侍郎大理卿充謂之大三

司使國朝建刑部都察院大理寺同於西宣武街以貫城統之謂之三法司得慎刑意焉

唐書狄仁傑薦張柬之宰相才召為洛州司馬仁傑曰臣薦宰相而為司馬非也乃授司刑少卿遷秋官侍郎

寶曆初宣中書以諫議大夫劉摎楚為刑侍丞郎宣授自此始唐太宗時刑部侍郎有關令執政妙擇其人奏皆不可太宗曰朕得其人矣往昔李道裕議張亮云反刑未具此言當矣雖不即從至今追悔遂授道裕

劉瑒轉刑侍精於法律選制勅可用者議其輕重成一家書號  
大中統類奏行之

言行錄張文忠公九成兼刑侍一日法寺以成案上大辟公閱  
首末得其情因請覆實囚果誣服者也奏黜之時法官抵罰而  
朝論欲以為賞公辭曰職在詳刑而賣眾以邀賞可乎

會典浙江等十三司各清理所隸布政司刑名仍量其繁簡帶  
管直隸府州并在京衙門凡遇刑名各照部分送問發落

職類魏有定科郎晉賈充定律令以裴楷為之胡文恭制宣正秋臺之職進丞

郎省之務表牒類冊筆議刑國網作重白雲司職人命是懸

職林唐有大獄以刑部員外郎御史大夫大理寺官為之以決

疑謂之小三司使

元積刑部員外郎制亟則失情緩則留獄深則礙恕縱則生奸  
惟是四者持刑之難

考索都官者本因漢置司隸校尉其屬官有都官從事一人掌

中都中郎官不法事因以名官義取中都官中都官謂京師官

也後漢又改二千石曹掌中都官水火盜賊亦謂賊曹後周置

司厲之職元豐改制郎中員外郎始實行本司事參掌徒流配

隸及吏籍之事初除韓宗良列四案謂軍大將案吏籍案配籍

案知雜案魏尚書有比部曹宋比部掌法制北齊掌詔書

律令勾檢等事後周日計部中大夫宋元豐官制行釐其事歸

比部郎中員外郎始實行本司事初除宇文昌齡列五案勾覆

案磨勘案理欠案憑由案知雜案唐制天下財賦皆納左藏庫太府四時以數聞尚書比部

覆其出入

分紀鄭谷為都官郎中作詩自賀且為序云故許昌薛尚書能嘗為都官郎中後數歲故建州李員外頗自憲府內彈拜都官員外郎皆一時駸雅宗師都官之曹振盛於此余早年請益實受深知今忝此官復是正秩

尚書故實杜牧頃於宰執求小儀不遂請小秋又不遂嘗夢人謂曰辭春不及秋昆脚與皆頭果得比部員外

周大司徒屬官有司門士今為司寇之屬唐制郎中員外郎掌門關出入之籍及闕遺之物元令史分掌有城門郎

類聚司馬廳壁記門關之設尚矣在周為司門在漢其名不曰戶郎曰門侯皆其任也宋朝監省門角內三品元豐中裕陵

聖訓內侍者以內與外庭臣僚無交際得以盡情機察愛自中興駐驛臨安三省樞密院俱列皇城之內外侍不時至則參之小使臣人微官薄不足以誰何嘉定六年秋始用諫議大夫增置監門官一員以京朝宰邑有治理効者為之初奉命議郎前知嚴州淳安縣揚怒而內侍由為機察遵舊制也 昔蕭望之射策甲科尚為小苑東門侯冲翁以抱關譏之以各從其志其後卒為漢名傳蓋一命以上皆有掌職所當盡吾事而已奚有於他慕哉

工部

類聚工部尚書周冬官卿也漢成帝初置尚書有民曹主吏人上書光武改民曹主繕修功作鹽池園苑事魏置左民尚書宋



有起部尚書隋有工部尚書唐因之宋工部判部事一人以兩制以上充凡城池土木工役皆隸三司修造案本曹無所掌元豐官制行尚書工部掌天下城池宮室舟車器械符印錢寶之事百工山澤溝洫屯田之政令是時尚書猶未除人紹興三年併少府監歸工部以文思院屬焉元工部掌修造營建法式諸作工匠屯田山林川澤之禁江河堤岸道路橋梁之事置令史分掌名頭以尚書為長 周冬官小司空中大夫也宋元豐正名初除熊本元因之 周大司空屬官下大夫蓋郎中之任也宋元豐正名除范子奇高遵惠元因之 隋朝二十四司各置員外郎一人以司其曹之帳籍宋仍唐舊元置二人 國朝置工部尚書及左右侍郎司務管繕司虞衡司都水司屯田司漢

書郎四人其一人主戶口墾田此屯田之始也魏代並設郎中為農部晉始置屯田郎中後周始為工部有屯田郎

員外郎主事以分理庶務焉

書帝曰疇若予工僉曰垂哉帝曰俞咨汝垂共工 帝曰疇若予上下草木鳥獸僉曰益哉帝曰俞咨汝益汝作朕虞

周禮審曲面勢以飭五材以辨民器謂之百工唐語令程品之重有若百工號

令之先尤難六職南豐擬制中臺起曹訓匠建事常衣制平百官之上書飭五材以辨器非因之髦碩詳於典制則不可以綜事訓工建明理本也

華嶠後漢書王梁初為野王令世祖議選大司空而赤伏符曰

王梁主衛作玄武帝以野王衛之所徙玄武水神之名司空水

土之官也於是擢拜梁為大司空

陳書陳從易為起部尚書巧思過人軍國器械多所創立初侯景二子

年殿被焚承聖中議營之獨欠一柱至陳高祖時忽有樟木大  
十八圍長四丈五尺流泊陶家後監軍鄒子慶以聞詔中書令  
沈衆兼起部尚  
書構大極殿

唐書閣立本顯慶中代兄立德為工部尚書兄弟相代為八座  
時人榮之總章元年以司平太常伯拜右相時立本為右相姜  
恪為左相立本無他才識時以善畫稱之恪嘗累為將軍立功  
塞外是歲京師饑旱弘文崇賢司成三館學生並放歸本貫當  
時為之語曰左相宣威沙漠右相馳譽丹青三館學生放散五  
臺令史明經 李大義為工部尚書性忠謹外若不能言而內  
剛烈不可干非其義

張鷟集位當玄武之官職在司空之任虞舜之代伯禹統其班  
周成之朝毛公處其地

孫樵記室新書五材是宜百官惟敘城郭都邑合其規上農工  
商會其所

韓愈送鄭尚書序嶺之南其州七十其二十二隸嶺南節度府  
其四十餘分四府府各置帥然獨嶺南節度為大府大府始至  
四府必使其佐啓聞起居謝守地不得即賀以為禮歲時必遣  
賀問致水土物大府帥或道過其府府帥必戎服左搢刀右屬  
弓矢帕首袴鞞迎郊及既至大帥府先入據館帥守屏若將趨  
入拜庭之為者大府與之為讓至一再乃敢改服以賓主見適  
位執爵皆與拜不許乃止虔若小侯之事大國有大事諮而後  
行隸府之州離州遠者至三千里懸隔山海使必數月而後能  
至蠻夷悍輕易怨以變其南皆岸大海多州島颿風一日踔數

千里漫瀾不見蹤踪控御失所依險阻結黨仇機毒矢以待將  
 吏撞塘呼號以相和應蜂屯蟻雜不可爬梳好則人怒則獸故  
 常薄其征入簡節而踈目時有所遺漏不究切之長養以兒子  
 至不可治乃草薙而禽獮之盡根株痛斷乃止其海外雜國若  
 耽浮羅流求毛人夷亶之州林邑扶南真臘于陀利之屬東南  
 際天地以萬數或時候風潮朝貢蠻胡賈人舶交海中若嶺南  
 帥得其人則一邊盡治不相寇盜賊殺無風魚之災水旱癘毒  
 之患外國之貨日至珠香象犀玳瑁奇物溢於中國不可勝用  
 故選帥常重於他帥非有文武威風知大體可畏信者則不幸  
 往往有事長慶三年四月以工部尚書鄭公為刑部尚書兼御  
 史大夫往踐其任

宋編年張忠簡公闡擢工部尚書兼侍讀初上用真宗故事命  
 經筵官二員遞學士院朝夕宣召商確古今諮訪政事公入對  
 尤數知無不言屢引疾丐閑上曰朕所以知外事皆賴尚書工  
 部一書相從久忍言去耶

隋書柳彧字幼文為屯田侍郎時制三品已上門皆列戟左僕  
 射高頴子弘德封應國公申牒請戟彧判曰僕射之子更不異  
 居父之戟槩已列門外尊有墜卑之義子有避父之禮豈容外  
 門既設內閣又施事竟不行頴聞而歎伏

唐書帝問蘇頲有工部侍郎得中書侍郎者乎對曰陛下任賢  
 惟所命何資之有

李棲筠字貞一為工部侍郎魁然有宰相望

梁劉孝儀表職貳三事位總六條俯

司土地仰變陰陽曲阜郭知章制冬官  
之貳方此得人疇若子工汝爲已試

宋史太祖重惜名器錢昱自白州刺史求文資得秘書監遷工  
部侍郎連典數郡無治聲上謂宰相曰此貴家子不可以任丞  
郎改郢州團練使

張忠簡權工部侍郎給札侍從臺諫條具時務公上十事時應  
詔數十人惟公與國子司業王十朋指陳實事斥言權倖無所  
回隱明日上召兩人對內殿大加稱賞賜酒者再回授御書一  
軸

六典唐工部郎中員外郎掌經營興造之衆務凡城池之脩濬  
土木之繕葺工匠程式咸經度之掌興造工匠諸公廨舍宇五  
行紙筆之事曲阜制中臺起曹即選尤重張元芳  
制郎吏今之高選工官號爲劇曹

會典營繕司掌官府器仗城垣壇廟經營興造之事 虞衡司

掌天下山澤採捕陶冶之事 都水司掌川瀆陂池橋道舟車  
織造衡量之事 屯田司掌屯種墾塋抽分柴炭之事

北史裴讓之字士禮吳屯田郎中省中語曰能賦詩裴讓之與  
楊愔友相遇則清談竟日愔每云此人風流警拔裴文季爲不  
亡矣梁使至常令讓之攝主客郎

唐書杜甫有詩名玄宗時獻朝饗太清宮賦拜官祿山陷京師  
玄宗幸蜀肅宗卽位靈武甫聞關奔詣行在拜左拾遺因房琯  
罷相甫諫不納請告省家後嚴武辟爲幕府拜工部員外郎

其詩身覺省郎在家須農事歸不才名位晚敢恨省郎遲欲陳  
濟世策已老尚書郎雖爲尚書郎不及村野人

周禮山虞掌山林之禁令澤虞掌國澤之政令蓋虞部之職也  
魏始有虞部郎中唐龍朔為司虞大夫宋虞部無掌以屯田郎  
兼之曾鞏擬制蒐田以時澤梁無禁  
虞衡之守所以遂嘉生叅化育

川衡掌巡川澤之禁令後周冬官有司水中大夫司水上士隋  
文帝有水部侍郎唐郎中員外郎掌津濟船艦渠梁隄堰溝洫  
漁捕運漕碾磴之事宋水部無所掌元設都水監都水一員竝

隸工部

白居易聽水部新詩朱媛仙郎白雪歌和人雖少  
愛人多明朝向與詩家道水部如今不姓何

南部新書省中司門都官屯田虞部主客皆閑簡無事時諺曰  
司門水部入省不數又角觝之戲有假作吏部令史及虞部令  
史相見忽然俱倒悶絕良久云冷熱相激

唐史何遜張籍並有詩名俱為水部杜子美詩僊客不妨員外

置詩人列作水曹郎李餘慶詩省中官最美無似水曹郎

翰林院

王世貞曰學士非古官其職初散寓於中秘諸省至唐文皇開  
天策府而始有學士之目武后中復置北門學士間以親暱充  
之如漢鴻都而加重其後至德宗朝始至設學士繫銜於翰林  
與中書舍人對掌內外制然無定品往往寄祿於他官其資重  
者至散騎諫議而淺者僅拾遺叅軍尚不能與舍人埒獨其長  
一人最貴曰承旨往往竟拜宰相其次亦不失三司觀察卿監  
至宋一切因之而益加重然不為定品如故元豐制行自是稍  
稍有恒秩元之初興定學士承旨正三品學士以下遞降有差  
其後進承旨為從一品視中書平章政事學士視左右丞高

帝初下江南庶事草創有所聘擢僅寓名以備顧問而已十八  
年三月始定置學士一人正五品侍讀學士侍講學士各二人  
從五品孔目爲首領一人未入流侍讀侍講各二人正六品五  
經博士五人正八品典簿二人從八品侍書二人正九品待詔  
六人從九品皆稱屬又修撰三人從六品編修四人正七品檢  
討四人從七品別爲史官亦係屬焉尋擢史官解縉而下七人  
入內閣預機密典綸綽然自學士王景卒解縉胡廣楊榮輩猶  
相繼領院篆洪熙之歲大學士士音等驟遷至三孤踞六曹上  
遂不復領院矣第文淵內署與諸曹異文移往復猶以翰林行  
之今雖稍稍变革而猶有一二存者如史成焚草中貴傳 旨  
猶傳大學士翰林公署左設大學士三座學士一座而講讀學

士東西對列是也學士秩雖卑而職與內閣通

洪武末

學蓋殿謹身文華武英諸文淵東閣太學士俱正五品華蓋以  
劉仲質邵質文華以全思誠鮑恂余銓張良年武英以吳宗伯  
文淵以朱善宋訥東閣以吳沈爲之而無所領惟從容備顧問  
而已永樂始以胡廣楊榮金幼孜爲文淵閣大學士領閣務洪  
熙進楊士奇華蓋楊榮兼謹身黃淮金幼孜兼武英獨以光祿  
署丞權謹爲文華殿大學士無無官亦不預閣務謹去後文華  
至今不設大學士得非以皇太子講讀之所故耶此殊不可曉  
嘉靖末以華蓋殿爲中極殿謹身殿爲建極殿首以徐階袁煇  
充建極殿大學士而中極自隆慶初始補李春芳  
唐舊志乾封中劉懿之劉禕之兄弟周思茂元萬頃范履冰皆

以文詞召入待詔常於北門候進止謂之北門學士

張說陸堅張九齡徐安貞張洎等召入禁中謂之翰林待詔王者尊極一日萬機四方進奏中外表疏批答或詔從中出宸翰所揮亦資其檢討謂之視草故嘗簡當代四人以備顧問

李紳字公垂能爲歌詩元和初登進士第穆宗召爲翰林學士與李德裕元稹同在禁署時稱三俊情意相善

翰林故事北院之置尤爲切近左接寢殿右瞻彤樓晨趨瑣闥夕宿嚴衛密之至也鈔鏡得御廐之駿出入有內司之導豐殺潔饌取給大官衾禡服御資於中庫恩之厚也備待顧問辨駁是非典持縑牘受遣群務凡一世得失動爲臧否職之重也

唐翰林院有懸鈴以備夜直警急文書出入皆引之以代傳呼

長慶中李德裕爲學士時河北用兵一夜鈴有聲如人引其索視之則無人後往往如此使人持棒潛伺于下終無所覩而數數鳴動不已院中諸公私共准其鳴時皆應用兵處耗聲則急緩亦如之曾莫之差衆咸異之李相詩銀花懸院榜神撼引風

鈴凡例考劾諸司官屬俱聽吏部都察院會覈成化  
詔翰林院以文學侍從爲職聽其長會內閣自劾

李肇翰林志翰林所著撰拜免王公將相妃主曰制賞賜恩宥

曰赦書曰德音處分事曰敕曰御札五品以上曰詔六品以下曰敕批群臣表曰批答獎勵勞曰獎諭賜外國書曰蕃書醮曰

青詞密詞釋曰齋文教坊致語曰白話土木興建曰上梁文宣

賜曰口宣此外有祝文碑文神道碑樂章詩頌春帖子之類撰

述進入遇有除拜以雙日鎖院隻日降麻

陸贄上疏國朝典故詔令合由中書如或墨制施行所司不須  
 承受蓋以示王者無私之義為國家不易之規貞觀中有學士  
 十八人太宗但與議論墳籍時務悉不相干玄宗末方置翰林  
 張洎國親承寵然止唱和批答樞密畧不與知肅宗奔播之時  
 翰林始掌書詔因循迄今漸逾職分物議不平皆云天子私人  
 侵敗綱紀致使聖代虧至公之體宰相有備位之名制書職分  
 宜歸中書學士之名宜革前弊德宗以贄指斥微玄故不可其

奏

吳通玄兄弟以文道堪為德宗東宮師恒侍太子遊  
 貞元初召充翰林學士與兄通微同職禁林士榮之

唐故事中書用黃白二麻為綸命重輕之辨其後翰林學士專  
 掌內命選用益重中書所出獨得用黃麻其白麻皆在北院自  
 非國之重事拜授將相德音赦宥不得由於斯會要元和初元  
 赦書德音立

建儲大計誅拜免三公宰相命  
 司制書並用白麻不用印

建中以來簡拔尤重故必密如孔光博如延州文如卿雲學如  
 向歆器如黃顏直如史魚然後得中第漢時始建置尚書郎五  
 人平天下奏議分直建禮舍香握蘭居錦帳食大官則今之翰  
 林名異而實同也時論以為登玉清翔紫霄豈蓬山瀛州而足

喻乎

唐舊制學士無特以承旨為名者應對顧問參會第班以官為  
 上下憲宗永貞元年始命鄭絪為承旨位在諸學士上居東第  
 一闔凡內宴坐次於宰相坐居一品班之上

學士每下直出門相詭謂之小二昧出銀臺乘馬謂之大三昧  
 如釋氏之去纏縛而自在也撫言裴廷裕乾寧中在內廷文敏  
 捷號下水船姚洎號急灘頭上水



唐之貴文至矣後王纂承多以國柄付文士元和初憲宗遵聖祖故事視有宰相器者貯之內庭繇是釋筆硯而操化權者十常八九一品集戎后憐詞客吾僚並雋髦注先朝曾宣諭卿等是我門客又鄭綱號內庭之老沈傳師以為院長李吉甫除中書侍郎平章事適與裴垪同直裴垪草吉甫制吉甫有歎惋之聲垪終不言書麻尾之後乃相慶賀禮絕之敬生於座中及明院中使學士送至銀臺門而相府官吏候於門外禁署之盛末之有也

李德裕述夢詩曰荷淨蓬池鱸水寒郢水醪注每學士初上賜食悉是蓬萊池魚膾夏至復賜及頒燒香酒以酒味稍濃每和水而飲蓋禁中郢水酒坊也

杜甫贈張垪紫誥仍無縮黃麻似六經內分金帶赤恩與荔枝青鶴注制誥本集賢學士領之今翰林學士得分掌故云兼縮洙曰寫誥書於黃麻紙上訓辭謹嚴如六經翰林拜命日賜命荔枝帶密旨多夜降出草麻五更三點進調進草

唐書陸贄入翰林年尚少以才幸天子常以輩行呼而不名至解衣衣之雖外有宰相主大議而贄常居中參裁可否時號內相從幸奉天詔書數百揮翰起草思如泉注奉天所下詔書雖武夫悍卒無不揮淚感激多贄所為也

肅綬德宗時為翰林學士密政多所參連帝嘗幸其院常妃從會綬方寢時大寒以妃蜀襖袍覆而去其待遇如此令孫趙公大中初常

便殿召對夜久方罷宣賜金蓮花燭送歸院院吏以下謂是駕來俄傳學士歸院莫不驚異金蓮花燭柄耳至尊方肯之

張鷟凡八登甲科員半千曰張子之文猶青銅錢萬選萬中時

號青錢學士時有董方九舉不第號曰白璣明經

北廳前階有花甃道冬中以日影過五甃為直入之候李程性懶常過以八甃乃至眾呼為八甃學士

昭宗嘗金鑿作賦詔學士和陸扆先成帝嘉之曰朕聞貞元時有陸贄吳通玄兄弟能作內庭文書後來絕不相繼今吾得卿

斯文不墜矣

昭宗召韓偓入院試文五篇萬邦咸寧賦拜昌言詩武臣授東川節度制答佛誓國王進貢書批三功臣讓圖形表繳狀云臣

才不邁群器非拔俗待價既殊於積玉窮經有愧於籛金遭遇清時極濡霽澤我冠振佩已塵象闕之班舐筆和鉛更辱金門

謝捷纂組非工撫已循涯以榮為懼長興元年翰林院舊例學士入院除中書舍人不試餘皆試麻制

聖誠為翰林學士院舊例學士入院除中書舍人不試餘皆試麻制党項羗擾河西宣宗召學士對誠論破羗之

狀上曰不期頗救在吾禁中即用誠守河西李文定公迪真宗時為學士上問陝

西兵幾何對曰臣向在本道以小冊書兵馬糧草之數以備調發今猶置佩囊中帝令探取之目黃門取紙筆令具疏帝曰不意頗救復在吾禁中

劉禹錫常處厚集記公未為近臣所著皆文士之詞也以才麗為主自入為學士至宰相以後所執筆者經綸制置裁成潤色

之詞也以識度為宗觀其發德音福生人沛然如時雨褒元老論功臣穆然如景風命相之冊和而莊命將之誥昭而毅

比夢瑣言封霽卿梁時知貢舉後門生鄭致雍同受命入翰林

爲學士致雍有俊才舜卿才思拙澁及試五題不勝困弊因託致雍秉筆當時議者爲座主辱門生

續翰林志後唐同光中賜承旨盧質論思翊佐功臣旋授節制河中王道詩云視草北來唐學士擁髦西去漢將軍時人榮之玉堂東西壁延袤數丈悉畫水以布之風濤浩渺擬瀛洲之象也修篁皓鶴悉圖廊廡奇花異木羅植軒砌每外喧已寂內務不至風傳禁漏月色滿庭真人世之仙境也 學士院第三廳

閣子有一巨槐素號槐廳舊傳居此閣者多至入相或郊禋行慶制命填委必聚廳分草之先是內院逼近禁闈地復狹窄前後書詔繁萃多所損潤蘇易簡乃於玉堂後廡建二書閣東西交映藻繪間飾自是文籍有所附焉閣之上下悉畫煙嵐曉景

之布之

分紀李瀚爲翰林學士常升殿侍宴瀚衣綠左右揖令退瀚叱之遂賜緋與座主和凝同任學士會疑入相瀚當草制命開凝閣盡取器玩圖書以歸其縱率如此

留詩云玉堂舊閣多珍玩可作西齋潤筆不

考索宋翰林學士掌內制凡制誥赦勅國書及宮禁所用之文詞凡后妃親王公至宰相節度使除拜前學士草詞授待詔書訖以進赦降德音則先進草大詔命及外國書則具本稟奏傳書亦如之

類聚學士院嘗在金鑾殿側號爲深嚴自太祖以來籍其才用始令判三銓及知太常禮院事天聖元年詔學士遇隻日至晚出宿蓋故事以隻日鎖院隻日降麻也

金坡遺事學士舊規十月賜錦長襖國初以來賜翠毛錦太宗

改賜黃盤雕錦續志十月朔舊賜對衣紅袍淳化二

宋朝學士院有雙鵲常棲於海棠上或鳴噪必有大詔令或宣

召之事因謂之靈鵲晁公詩云都聞靈鵲心應喜

筆談唐翰林院在禁中乃人主燕居之所玉堂承明金鑾殿皆

在其間應供奉之人自學士以下工伎群官司隸籍其間者皆

稱翰林唐制自宰相而下初命皆無宣召之禮惟學士宣召蓋

學士院在禁中泚內臣宣召無因得入故院門別設複門亦以

其通禁庭也又學士院北扉者為其在浴堂之南便於應召今

學士初拜自東華門入至左承天門下馬待詔院吏自左承天

門雙引至閣門此亦用唐故事也唐宣召學士自東門入者彼

時學士院在西掖故自翰林院東門赴召泚若今之東華門也

至於挽鈴故事亦緣其在禁中雖學士院吏亦止于玉堂門外

則其嚴密可知如今學士院在外與諸司無異亦設鈴索悉皆

文具故事而已敬宗嬉遊之際學為歌詩以翰林學士崇重不

續通典草麻潤筆自唐有之鄭鐸自隆州刺史復爵李德裕作

詔高宗戲之曰筆頭乾鐸曰出為方伯杖策而歸不得一錢何

以潤筆筆談內外制凡草制除官自給諫待制以上皆有潤筆

李昉禁林燕會序學士今日之盛事有七新學士謝恩日賜襲

衣金帶寶鞍名馬一也十月朔改賜新樣錦袍二也特定草麻

利物三也改賜外庫法酒四也月俸並給見錢五也特給親事

官隨從六也勅設供帳之盛七也凡此七事竝特出異恩有以見聖君待文臣之優厚也續會要政和五年御史摛文堂榜賜學士院歸田錄百司申中書皆用狀惟學士院用咨報其實劄子不出名但當直學士一人押字而已謂之咨報此唐學士舊規也

周必大奏翰苑名稱劄子臣近者忘其冒昧輒引故事恭乞

宸翰刻寘玉堂嘗蒙宣諭何字可代 英廟嫌名伏緣直廬之

類皆未穩當倉猝未知所對連日思索敢爲二說仰瀆 睿聰

臣竊見唐有集賢殿書院蓋集賢殿之書院也其後置學士院

往往因所御宮殿而寓直焉若駕在大內即置院於明福門駕

在興慶宮則置院於金明門德宗嘗召學士浴室則又移院於

金鑾殿此正如漢有玉堂殿而許臣下待詔於其側唐置書院

於集賢殿以處文學之士也今擬作玉堂之院未審聖意以爲

然否臣又聞漢因避諱改禁中爲省中自是相承凡官舍在禁

庭者通謂之省除三省不可比擬外如後省散騎省祕書省殿

中省其名不一杜甫詩曰上君白玉堂倚君金華省殆此義也

若作玉堂之省亦頗近古或二者皆不可用即乞出自聖裁臣

妄陳管見罪當萬坐無任戰慄之至

分紀太宗以玉堂之設其來尚矣但慮得其號而無正名乃於

紅綃上御書飛白四字題曰玉堂之署以賜蘇易簡易簡公捧

歸私第以慶耀其親擇日懸掛仍具扁鐫于玉堂之上自待詔

院吏而下咸列賀于庭公曰自唐置學士來幾三百年今日方

知貴矣卽日詔宰輔暨兩制司臣就院勅設宴帳仍各賦長韻

詩以紀其事其詩目曰禁林讌會集

玉堂東承旨閣子窓

格上有火然太宗嘗夜幸玉堂蘇易簡為學士已寢遽起無燭具衣冠宮嬪自窓格引燭入照之至今不欲更易以為玉堂一盛事

歸田錄太宗時宋白賈黃中李至呂蒙正蘇易簡五人皆同時拜翰林學士承旨扈蒙贈之以詩云五鳳齊飛入翰林其後呂

蒙正至宰相賈黃中李至蘇易簡皆至叅知政事宋白官至尚書老於承旨皆為名臣 楊億為學士時草答契丹書云隣壤

交歡草既進真宗自注其側曰朽壤糞壤億遂改為隣境明日引唐故事學士作文書有所為不稱職當罷因亟求解職真宗

語宰相曰楊億不通商量真有性氣 東都事畧劉筠字子儀仁宗即位復召翰林學士筠自景德以

文翰之選與楊億齊名當時號為楊劉二入禁林 年實職

翰林學士太祖謂宰相曰 東軒筆錄舊翰林學士地勢清切皆不兼他務文館職任自校

理以上皆有職錢惟內外制不給楊太年久為學士家貧請外表辭千餘言其間兩聯曰虛忝甘泉之從臣終作莫敖之餒鬼

從者之病莫與方朔之饑欲死自後乃得判他局 言行錄歐陽脩在翰林仁宗見御閣春帖子讀而愛之問左右

曰學士歐某之文也乃悉取宮中帖子閱之見其篇篇有意歎曰舉筆不忘規諫貞侍從之臣也

陳彭年為學士檢討典故質正文義每一事具載經史子籍備而後見上曰詳定所事無大小皆候彭年裁制而後定一句不

而後見上曰詳定所事無大小皆候彭年裁制而後定一句不

可廢也

錢宣靖公若水為學士太宗禮遇殊厚嘗草賜趙保忠詔云不  
斬繼遷存狐兔之三穴潜疑光嗣持首鼠之兩端太宗覽之甚  
悅謂若水曰此四句正道著我意

熙寧初韓子華絳拜相其弟持國雍在翰苑神宗前期預令草

制注意厚矣持國懇辭兄弟之嫌得請元符末曾子宣爰立其

弟子開直北門特命草麻示眷寵也魯公昭公肇字子開上命

魯公相適視草禁中因舉數事為戒宋朝學士弟草兄制惟韓

氏與公士論榮之趙光逢為翰林學士光裔知制誥兄弟對掌內外命書

周麟之為學士姿儀洒落進止凝重班冠玉笋望之者意神仙

中人麟之受召撰張循王碑文成奏御天筆批其後十八

曰誌銘敘事詳盡造語簡要披閱數四但有歎嘉士林傳觀以

為寵翰林群書國朝學士循唐故事見宰相不具靴笏至中書與常

參官雜坐容位有移時不得見者學士日益自卑

筆談選人不得乘馬入宮門天聖中選人為館職始歐陽永叔

黃鑑輩皆自左掖門下馬入館當時謂之步行學士嘉祐中於

崇文院置編校局校官皆許乘馬至院門其後中書五房置習

學公事官亦緣例乘馬赴局東齋記事元學之少時曾夢人告

人同在禁林厚之除學士同時相先後入院為學士者一拜持

國維一除和叔繹一鄧文約縮一揚元素繪並厚之名絳五人

名皆從系始悟兄弟之說金坡遺事錢惟演云希白易於予為從兄也天聖三年十二月

九

予參鈞衡之命時希白自當制世稱弟拜相兄草麻自古未有  
 朝野雜記國朝自建隆至熙寧在翰苑者一百八人而入端揆  
 者二十一人太祖九人一相太宗二十三人四相真宗十五人  
 四相仁宗五十二人九相神宗十三人三相自建炎至淳熙在  
 翰苑者七十六人而入端揆者九八人高宗五十八人五相孝  
 宗十八人三相 學士久次者晁文元 迥 十六年王文恭 珪  
 十三年王文忠 堯臣 十二年宋文安 白 章文獻 得象 趙清獻 抃  
 楊內翰 偉 皆十一年陶尚書 穀 丁文簡 度 皆十年扈尚書 蒙 蘇  
 參政 易簡 賈參政 黃中 李昌武 宗 諤 孫文懿 朴 胡文公 宿 皆九  
 年徐常侍 鉉 楊文公 億 皆八年歐陽常侍 迥 宋賈獻 綬 歐陽公  
 修 皆七年梁給事 周 翰 李相州 維 晏元獻 殊 馮章靖 元 皆六年

熙寧後學士率一二年即遷久次者三四年而已高宗朝湯慶

公孝宗朝周益公始皆六年 又學士再入三入者宋文安

兩入凡二十年李相州孫文懿皆十二年楊文忠公范文忠公

皆九年曾宣靖馮文簡皆七年葉道卿張文定皆六年宋景文

楊宣懿皆三入而止五年渡江後周益公再入凡九年胡端明

二入跨六年久次者此二公而已 學士三入李文正劉中

山子儀三人玉堂集云三入翰林皆待詔宣獻公宋景文范景

仁四入李邴五入而一不拜又渡江後三入者二人胡端明 文

修 王端明 暇 兩入者十六人張文靖 守 基 寶 學 宗 禮 沈忠憲 與

求 陳資政 與 義 孫資政 近 劉閣學 才 邵 李侍郎 椿 年 洪文安 遵

錢給事 周 材 洪文敏 邁 劉忠肅 珙 鄭資政 聞 周益公 必 大 王魯



公淮倪侍郎思

錢文僖公記父子入院一家李文正

昌武

以為極盛矣其後父子入院者又有四家錢希白子飛梁仲素子

莊肅蘇儀甫子容洪忠宣子景伯景嚴景廬兄弟入院三家二

寶可象望之二李文相靖州二錢希白師聖以為極盛矣其後

兄弟入院者又九家二陳文肅康肅二宋元憲景文二吳正宣

正憲二韓康國持國二蘇文忠文定二曾文肅文昭二字文仲

理仲通三洪文惠文安景廬然洪氏父子兄弟入院翰苑者四人

尤古今所未有也

弇州集 國朝三代翰林者林文安瀚為編脩庭機為檢討爍

亦為檢討至學士父子同在翰林者唐應奉肅侍講之淳胡閣

學廣檢討種金閣學幼孜檢討達王學士直檢討積曹學士為

修撰恩倪學士謙學士岳揚中允鼎學士時暢商殿學方侍講黃中

良臣鄒少詹濟禮部右侍郎兼左庶子幹焦殿學方侍講黃中

劉閣學宇編脩仁謝殿學遷學士丕江學士瀾脩撰暉楊殿學

廷和脩撰慎倫諭德文敘諭德以訓孫中允陞諭德鋌晁洗馬

慄庶吉士東吳陳殿學以勤學士于陞張殿學居正編修嗣修

修撰懋脩內胡氏金氏曾氏皆以蔭敘得之而倪公父子光學

尤為盛事本朝學士承旨洪武初詹同宋濂其學士除入內閣

度李時勉錢習禮蘭從善倪謙李紹林文黃諫柯潛吳節王傑

王獻謝一夔倪岳程敏政吳寬王華江灝武衛張芮張元積白

鉞傅珪毛澄李遜學劉春霍韜席春張潮温仁和張邦奇張治

陸深李廷相費家孫承恩歐陽德程文德閔如霖李默王鼎賓

陸樹聲汪鏗陳經邦唐書李泌為相加集賢殿崇文館大學士修國史泌建言學士

加大始中宗時及張說為之固辭乃以學士知院事至崔圓復為大學士亦引泌為讓而止

文館乃有大學士之名

上欲以張說為大學士辭曰學士本無大搆中宗欲以崇寵大臣修

類聚唐制官序未至而他官權攝者為直官宋開寶二年以李昉盧多遜並直學士院直院之名始此六年知制誥張澹權直翰林院凡他官入院學士謂之直院學士俱闕他官暫行文書謂之權直宋率以從官兼直院若左右史少監類止稱權

退朝錄開寶九年李文正盧相並直學士院太平興國元年湯悅徐鉉直學士院王克正張治直舍人院四人皆江南文士也談苑蘇易簡為參知政事引故事為請詔自今當直學士院與樞密直學士並頒長春殿曲宴

孫觀撰墓誌汪藻字彥章直學士院草高麗答詔其不許入貢詔畧曰壞晉館以納車庶無後悔閉玉關而謝質匪用前規上顧勅臣稱公得代言之體久之高麗謝表至上復稱公真翰林學士以所御白團扇親書紫誥仍兼縮黃麻似六經十字以賜縉紳榮之

類聚唐開元三年上謂宰相曰朕本讀書有所凝滯無從質問可選儒學之士使入內侍讀乃以馬懷素與褚無量更日侍讀十三年改麗正修書院為集賢殿書院選者儒日一人以稽古籍疑義置集賢院侍講學士侍讀直學士宋太祖始用著作佐郎呂文仲為侍讀真宗咸平二年以楊徽之夏侯嶠並為翰林侍讀學士先是侍讀名秩未崇真宗首置此職擇真儒舊學以

充其選班秩次翰林學士祿賜如之設直廬於秘閣侍讀更直侍講班上日給尚珍膳夜則迭宿多召對訪問或至中夕元豐官制廢翰林侍講侍讀學士不置但以為兼官然必侍從以上乃得兼之其秩卑資淺則為說書歲二月至端午日秋八月至長至日遇隻日入侍通英閣輪官講讀元祐七年復增學士之號

大明會典九經筵 欽命內閣大學士知經筵事或同知經筵事班俱在尚書都御史上講書展書等官及日講官俱從內閣於本院及詹事府春坊司經局官內具名題請其經筵講章四講直解 俱送內閣看定經筵講章先三日進呈日講直解先一日進呈

凡東宮出閣講學內閣官提調講讀其講讀侍班及校書正字官從內閣於本院及詹事府春坊司經局官內具名題請正字例以制勅房官兼職

凡親王出閣讀書內閣提調檢討等官講讀擬定經書起止所習做字每日送看

凡脩實錄史志等書內閣官充總裁本院學士官充副總裁皆出 欽命纂修從內閣於本院及詹事府春坊司經局官內具名題請膳錄催纂制勅誥勅房官皆預纂脩完日進呈其實錄草稿會同司禮監官於內府燒燬

唐書常處厚通五經博覽史籍而文思贍逸穆宗以其學有師法召入翰林為侍講學士

厚銓擇經義雅言為二十卷謂六經法言

文宗召兵部尚書王起禮部尚書許康佐為侍講學士中書舍  
人柳公權為書學士每有疑義即召學士入便殿顧問討論率  
以為常謂之三侍學士恩寵異等

起長於博洽文宗時為翰林學士起侍講時有僻字疑事

令中使口宣即以榜子對號曰寫宣

崔郾為侍講學士與同列高重抄撮六經嘉言要道區分事類  
凡十卷名曰諸經纂要其人主易於省覽上嘉之賜練二百疋  
高元祐自侍講為中丞文宗難其代元祐表言元少逸才可任  
因遷少逸議諫大夫代元祐為侍講學士兄弟迭處禁密時人  
榮之

唐書王起字舉之文宗好文尚古學時鄭覃長於經義起長於  
博洽俱引入翰林講論經史起癖於嗜學雖官位崇重耽玩無  
厭以太子登儲欲令儒者授經乃以兵部尚書兼太子侍讀為  
太子廣五運圖及文場秀句獻之帝數訪逮時政詔畫象便殿  
號當世仲尼

東都事畧邢昺字叔明真宗始置翰林侍讀學士首以命昺即  
於便坐令講左氏春秋嘗講孝經禮記論語書易詩據傳疏敷  
引之多及時事真宗甚嘉獎之

國史仁宗常詔翰林侍讀學士張錫講書禁中錫敷暢經旨議  
論該洽上嗟賞久之錫時年六十七鬢髮皓然上曰卿老矣記  
問不衰乃以飛白書博學字賜之因訪以治道錫曰節慾治身  
之六也慎刑賞治平之本也時貴妃被幸故以此諷之上改容  
曰卿言甚嘉朕恨用卿晚矣

呂伯恭中舍除翰學諾內外演綸之職獨高翰苑之清華左右  
 持橐之臣疇若禁林之清家維時盛選屬我洪儒輟從西掖之  
 聯延入北門之直具官某學窮闡奧文冠倫魁增主之明洋洋  
 晁董之對發帝之令渾渾虞夏之書休有德聲最於邇列是用  
 進陟鑿坡之邃深居鈴索之嚴周必大表鳳掖演綸久俟黜幽  
 典鑿坡裁詔誤叨僣直之榮

螢窓夜學燭莫望於金蓮  
 蓬戶久居班豈知於玉笋

黃瀾謝 宣宗親製翰林院表河洛會歸 聖代啓圖書之府

日星煥爛詞垣瞻金石之文惟茲內翰寔冠邇昔止代言今  
 藏衆美校文揮制兼秘書中舍之司載筆啟心總史館經筵之  
 任玉堂啓署地連紫禁之中青瑣排扉人在丹霄以比文章有  
 職不取他才輔相登庸悉由此出

李白詩晨趨紫禁中夕待金門詔苑花似雪同隨蓋官月如眉  
 伴直廬韓渥詩紫殿承恩歲金鑿入直年人歸三島路日過八  
 花磚賈島詩馬自賜來騎覺穩詩緣見徹語長新温庭筠詩白  
 麻紅燭夜清漏紫薇天紫薇芒動辭初出紅燭香殘詰未封  
 宋賈黃中詩青綸輝映輕前古丹地深嚴隔世塵錢若水詩月  
 上花磚簾捲後柳遮鈴索雨初晴楊億詩六鼇雲海冠蓬萊玉  
 署深嚴枕斗魁楊徽之詩詔出紫泥封去潤朝回蓮燭賜來香  
 詩話白樂天詩云元和六學士五相一漁翁王禹偁賀同在翰  
 林而大拜者云三神山上曾陪鶴駕之游六學士中獨有漁翁  
 之嘆

國史院

類聚史官自黃帝有之夏商太史周太史小史內史外史而侯  
 國亦置秦有太史令漢至武帝始置以司馬談為之談卒子遷  
 嗣宣帝以其官為令行太史公文書修撰之職以他官領於是  
 太史之官唯知占候而已王莽改置柱下五史後漢至隋唯魏  
 明太和中史職隸中書其餘多隸秘書唐武德初因隋制屬秘  
 書省著作局貞觀移史館於門下省宰相監修自是著作局始  
 罷史職其修撰史事以他官兼領或品卑而有才者亦直馬宋  
 監修國史一人以宰相為之修撰直館檢討無常員修撰以朝  
 官充直館檢討以京官以上充掌修日曆及典司圖籍之事凡  
 國史別置院於宣徽北化院之東以藏之謂之編修院東京記  
云編修  
 俗呼為史院天聖修真宗史欲重其任降敕宰相為提舉參知  
 政事樞密副使為修史其同修史則以殿閣學士以上為之

修撰實專史職尺據所送到時政記起居注銓次其事排以日  
 月謂之曆日紹興十八年詔置修國史院修神哲徽宗三朝正  
 史大元國史院有監脩國史唐制宰相四人內一人帶監修國  
史職宋朝有三館首相領昭文次  
 相領集賢雜修史唐初令孫德茶請修近代史遂命修撰名始  
於此宋後唐制史館有修撰以他官領取最  
 監修國史一員判館事故事同修史舊有修撰官紹聖初方改為修編  
史館每月選曆日  
 脩官太平興國以楊文舉為國子監丞史館編脩宋後  
言脩撰官止二人望擇館閣官二員充編脩官等員

衍義補周禮宰夫八職有史以贊治漢法太史公位在丞相上

天下計書先上太史公副上丞相唐及宋宰相皆兼史官 國  
初猶設起居注其後革之惟以脩撰編脩檢討掌國史焉

漢書荀悅云立典有五志焉達道義彰法式通古今著功勳表  
賢能于寶釋云體國經治之言則書之用兵征伐之難則書之  
忠臣烈士孝子貞婦之節則書之文告專對之辭則書之才力  
伎藝殊異則書之

唐書許敬宗拜侍中監修國史高宗常幸故長安城按蹕徘徊  
視古區處問侍臣秦漢以來幾君都此敬宗曰秦居咸陽漢惠  
帝始城之其後符堅姚萇宇文周居之帝復問漢武開昆明池  
實何年對曰元狩三年將伐昆明實為此池以肄戰帝乃詔與  
弘文學士討論古宮室故區具條以聞 高宗問宰相實德玄濩  
陽謂之帝立何也茲不

能對敬宗曰昔顓頊居此故謂帝立敬宗退謂人曰大臣不可  
以不學玄聞曰入各有能有不能吾不强對以所不知此吾所  
能也李勣曰敬宗多聞信  
美矣德玄之言亦善也

劉知幾景龍初轉太子中允依舊修國史時侍中常巨源紀處  
訥揚再思宗楚客蕭至忠並監脩國史知幾以監脩者多甚為  
國史之弊於是求罷史任因為至忠言五不可曰古之國史皆

出一家惟漢東觀集群儒稱述無主條章不建今史司取士滋  
多人自為荀袁家自為政駿每記一事載一言閣筆相視含毫  
不斷頭白可期汗青無日一不可漢郡國計書先上太史副上

丞相後漢公卿所撰先集公府乃上蘭臺故史官載事為廣今  
惟詞採二史不注起居百官弗通行狀二不可史局深籍禁門  
所以杜顏面防請謁今作者如麻褒貶曾未絕口而朝野咸知

孫盛取嫉權門王邵見讐貴族常人之情不能無畏三不可古者史氏各有指歸故司馬遷退處士進奸雄班固抑忠臣飾主闕今史官注記類稟監修或須直辭或當隱惡十年九牧其令難行四不可今監者不肯指授脩者又不遵奉務相推避以延歲月五不可

知幾曰史才須有三長謂才也學也識也

子无著史通内外四十九篇徐堅讀之嘆

曰為史氏者宜置此座右

柳子厚與韓愈論史官書退之言不有人禍則有天刑若以罪夫古之為史者孔子之困于魯衛陳宋蔡楚者其時暗諸侯不能以也其不遇而死不以作春秋故也當其時雖不作春秋孔子猶不遇而死也若周公史佚雖紀言書事猶遇且顯也又小

得少者秘為孔子累范曄悖亂雖不為史其族亦赤司馬遷觸

天子喜怒班固不檢下崔浩沽其直以闢暴虜皆非中道左丘明以疾盲出於不幸子夏不為史亦盲不可以是為戒

武德中秘書丞令狐德棻請修五代史詔蕭瑀等分修之歷年不就貞觀三年復勅脩撰乃令德棻仍總知類會諸史武德以來創修撰之源自德棻始也會詔改撰晉書房玄齡奏德棻令預修撰當時同修一十八人並推德棻為首其體例多取決焉

唐史館脩撰掌脩國史天寶後他官兼史職者曰史館修撰元和中宰相裴垍建議登朝官領史職者為修撰以官高一判館事

歸登字冲之崇敬子也充皇子侍讀尋加史館修撰順宗初以



東朝舊恩賜金紫尋加史館修撰

蔣義字德源博通群籍史才尤長貞元中史館脩撰居史任二十年好學不倦老而彌篤子係太和中拜史館修撰典實有父風伸太中初入朝右補闕史館修撰召入爲翰林學士偕有史才以父任歷官左拾遺史館修撰蔣氏世以儒史稱與柳氏沈氏父子相繼修國史實錄時推良史京師云蔣氏曆日士族靡不家藏焉

季吉甫爲監修國史時憲宗嘗御延英問時政記何事吉甫對曰是宰相記天子事以授史官之實錄也古者右史記言今起居舍人是左史記事今起居郎是永徽中宰相姚壽監修國史慮造膝之言或不下聞因請隨奏對而記於仗下以授于史

官今時政記是也

李翱轉史館修撰以史官記事不實奏曰臣謬秉筆以記注爲職夫勸善懲惡正言直筆史官之任今善惡皆取行狀謚議蓋行狀多是其門生故史欲虛美于受恩之地今請但指事實直載事功假如作魏徵傳但紀其諫諍之辭足以爲正直段秀實但記其倒用司農印以追道兵以象笏擊朱泚足以爲忠烈若考視行狀依此則考功下太常牒史館然後定謚從之

朱敬則兼修國史乃請高史官選以求名才常安石閱其藁歎曰董狐何以加世人不知史官權重宰相宰相能制生人史官兼制生死

五代史周賈偉充史館修撰桑惟翰爲相待之薄及爲翰傳言

翰死有白金八千錠學士徐台符以爲厚誣備乃更爲數百儷類不平自爲賈鐵嘴

東都事畧慶曆四年賈昌朝建言修唐書命王堯臣宋祁楊察張方平爲修撰曾公亮范鎮宋敏求呂夏卿爲編修其後相繼出外獨宋祁秉筆

曾鞏字子固天子察公賢一日手詔中書門下曰曾鞏以史學見稱士類宜與五朝史事遂以爲修撰近世修史必衆選文士以大臣監總未有以五朝大典獨付一人如公者

朱綬字公垂仁宗朝同修國史後其子敏求爲史館脩撰父子繼世掌史世以爲榮焉

詩話丁謂與孫何齊名翰林學士王禹偁延譽於帝曰謂與何可使白衣充修撰由此聲名籍甚禹偁嘗與詩曰三百年來文不振直從韓柳到孫丁而今便合教脩史二子之才似六經洪咨夔辭同脩撰表竊以典謨所以記言春秋所以斷事六經不作三史相承馬遷辨而不華猶坐是非之謬班固詳而有體尚譏仁義之輕迨其下之紛紛徒所傳之謏謏矧今脩明三館之制楊厲累朝之休在國史則紀傳表志之纂裁在實錄則日月時年之編係欲成萬世之典宜得三長之才豈臣斐狂可贊筆削

宋史天聖中國史王安簡謝陽夏黃唐卿李邕鄆爲編修官安簡神清冲澹唐卿刻意篇什謝李戲爲句曰王貌閑如鶴黃吟苦似猿

袁樞字機仲為編脩官分脩列傳故相章子厚家以同里宛轉求釋其事公曰吾為史官書法不隱寧可負鄉人不可負天下

後世公議時宰相趙雄總史事歎曰無愧古人之良史劉恕為人強記

於書無所不覽有史學司馬先脩資治通鑑奏請同編脩

范祖禹字淳甫司馬文正公脩歷代君臣事迹辟公同編脩供

職秘省時王荊公當國公未嘗往謁王安國與公善嘗諭以荆

公意公竟不往見祖禹在書局分撰唐史考其成敗治亂得失之職撮其機要名曰唐鑑元祐上之

言行錄李文簡公燾號巽巖時權同修國史得旨長編或有增

損依熙寧脩三經義法至是上四千四百五十餘條又以一百

六十八年事散在史冊一覽難周別為長編六十八卷總目五

卷修撰事目十卷上曰卿宿德耆儒宜在左右任史職淳化二年以殿

中丞郭延澤太子右贊善大董元亨並為史館檢討

真德秀辭國史狀伏見先朝臣曾鞏著論以為古之良史其明

足以周萬事之理其道足以適天下之用其志足以通難知之

意其文足以發難顯之情然後其任可得而稱史職之重若此

而使臣者濫廁其間竊恐頭白可期汗青無日如昔人所謂也

周必大表切惟是官以六大為先實尊載筆作樂以一變而足所貴專門自魏荀爽鴻雁之行寧備遷回馬牛之走

類聚後漢馬皇后撰明帝起居注則漢起居似在宮中為文史

之任其後起居皆近侍之臣錄記也歷代有其職而無其官後

魏始置起居令史每行幸宴會則在御左右記帝言及賓客訓

答後又別置修起居注二人北齊有起居省名至隋置為職員

列為侍臣與掌其事唐起居郎舍人掌錄天子起居法度天子

御正殿則郎居左舍人居右有命俯陛以聽退而書之季終以授史官宋沿唐制起居郎隸門下起居舍人隸中書號小兩省官皆為虛名亦不典本省事而典職者自號脩起居注凡二人天子御正殿記注官不侍左右唯朝會對立於案前常日則更番遞直於崇政殿延和殿行幸則從上出入皆所以書言動熙寧初詔諫官兼脩注者因後殿侍立許奏事

漢荀悅傳古者天子諸侯有事必告于廟廟有二史左史記言右史記事為春秋言為尚書君舉必書善惡成敗無不存焉

晉天文志東一星曰柱史主記過古者左右史象也唐柳玘為左史其著序訓自稱左侍極

宋書諫議張秘請置起居院修左右史之職為起居注與時政記逐月終送史館以備日曆太宗詔從之命周翰掌其事翰請

以所撰先進御後付史起居注進御始此

會要熙寧二年四月刑部郎中秘閣校理同脩起居注陳襄兼起居舍人知諫院兵部員外郎兼起居舍人同知諫官范純仁直集賢院同修起居注

洪邁起居郎廳壁記兩省之官十有二唐制也今散騎常侍缺由諫大夫而下別為諫院同門而異戶唯給事中中書舍人左右起居實同省其員亦十有二渡江以來蓋損三之一然亦未嘗備也給舍以法從為職凡紫微黃門之政無論大小實書之實行之其未逮者得以告而還之兩起居日侍殿上備顧問皆名一時清切要官然去來姓名不詳於掌固四十年間已泮散不可攷邁兄弟前後四入省舉致志焉

周必大論史事劄子竊觀前朝國史雖是衆人分撰然當時案牘可以稽據是非可以詢問責成一手不至訛舛粵自南渡以來文籍殘缺往往按求散軼考證同異若非參合衆智深慮不相照應抵牾者多臣嘗與衆議分手撰述每遇一志一傳成篇並令在院官互相修潤庶幾首尾貫串體制歸一無思慮不周之患

吳永叔辭起居郎狀點螭頭之水必茹含千古之胸捫柱下之星必淹貫百家之學苟非俊傑曷稱選掄况直言未罄於王前而陟典遽升於帝左借冒居於寵數將沓至於煩言古事問高仲舒方欲力解中書之職人端有鄭仁表豈宜疊叨記注之榮杜甫贈起居田舍人獻納司存雨露邊地分清切任才賢舍人

退食收封事宮女開函近御筵曉箭追移青瑣闥王維詩史館接天居雲篇揚雄更有河東賦惟待吹噓送上天霓裳侍玉除洞有百

年錄山藏  
太史書

姚合寄右史纔歸龍尾含鷄舌更立螭頭運兔毫閭闔欲開金漏盡冕旒初坐御香高寄劉起居綵仗迎春日香煙接瑞雲珮聲清漏間天語侍臣聞寄問起居官清立金爐北仗下歸眠

玉殿西

劉禹錫送陳郎中直史館遠取南明貴公子重脩東觀帝王書元微之謫白樂天我是玉當時史筆窺金匱暇日登臨到石渠皇香案吏謫居猶得住蓬

萊

秘書監

衍義補漢氏圖書所在有石渠石室延閣廣內貯之於外府有  
御史居殿中掌蘭臺秘書及麒麟天祿二閣藏之於內禁唐制  
秘書省掌經籍圖書之事秘書郎掌四部圖籍校書郎掌雋典  
籍刊正文章宋有秘書監掌古今經籍圖書國史實錄天文曆  
數之事今代圖書皆藏內閣所設之官止一典籍馬洪武癸丑  
命編修張唯等十八人入文華堂肄業 詔宋濂為之師 上  
聽政之暇輒幸堂中取其文親評優劣命光祿給酒饌每食皇  
太子親王迭為之主給冬夏衣時 賜白金鞍馬 太宗永樂  
甲申命學士解縉選新進士材質英敏者得曾棨周忱等二十  
九人俾就文淵閣進學且 諭之曰文淵閣古今載籍所萃爾  
各食其祿日就閣下恣爾玩索務實得於已庶國家皆得爾用  
命司禮監給筆劄光祿寺供飲饌分鈔以市膏燭賜第以為居  
止 列聖相承接為故事得人比他進士為多焉  
後儒林序有辟雍東觀蘭臺石室宣明鴻都之藏西都賦又有  
承明金馬著作之庭大雅宏達於茲為群元元本本殫見洽聞  
啓發篇章校理秘文

晉傳奕東觀箴

華嶠書學者稱東觀為老氏藏室道家蓬萊山筆談後漢藏書東觀在禁中至桓帝時始置秘

書洋洋東觀古之史官左書右行右紀其言辛尹顧訪文武明

宣倚相見寶荆國以安

夏終殷摯周聃晉忝或笑或泣抱籍

遁走

史畧張齊賢改秘書監嘗出謂其子曰昔賀秘監以道士服東歸今吾且作白頭老監枕書而眠何必學賀老作流

沙之

唐李華著作廳昔沮誦蒼頡為黃帝史臣文字以與其來尚矣

其南正北正建于顓頊羲氏和氏命于唐堯更虞夏商代序天地周官宗伯之屬有太史正歲年以序事小史莫系代辨昭穆內史受納訪以詔王聽理外史達書名于四方前志所載有左史記事或箴王之闕或司過于朝所典不同其納君於善一也傳曰天子有日官則史逸史伯是也諸侯有日御則禪竈子常是也倚相在楚南史在齊董狐在晉邦之司直也至于有晉若史才之美陳壽自佐郎遷元舅之尊庾亮以中書領宋則徐爰何承天齊則沈約裴子野梁則陸雲姚察陳則顧野王張正見後魏則崔光高允北齊則邢子才魏收周則蘇亮柳蚪隋則虞綽王邵皆一朝名選也

分紀諸司屋舍惟秘書最弘壯閣下穹窿高敞謂之木天唐薛

蘭臺為外臺秘書為內閣棧表類朱鷲索鷄羣翔於崑閣之庭神堯川芸列植於雲霄之圃鄭氏綺談以為大蓬陳子昂以為芸局揚億為蓬島

唐書虞世南為秘書監太宗稱其五絕一德行二忠直三博學四文詞五書翰又世南為秘監太宗引之談論及古今帝王行政得失必存規諷及薨帝曰石渠東觀之中無復人矣著北堂

書抄秘書省有落星石薛少保畫鶴賀監草書郎餘令畫鳳

李邕見特進李嶠自言讀書未徧願一見秘書假直秘書未幾

辭去嶠試問奧篇隱帙了辨如響隋柳詵拜秘書監煬帝常召入閣言宴諷讀終日而罷帝

恨不能召乃命刻木偶人施機關能坐起拜伏以象詈每月下對酒輒置於座

顏師古為秘書監專典刊正所有奇書難字眾所共惑隨疑剖

析曲盡其源薛夏字宣聲魏文帝方與夏有所咨詢適曹休來朝帝引入曰此君秘書丞天水薛宣聲也

山公啓事詔選秘書丞濤薦曰秘紹平簡温敏有文思猶當先作秘書郎上曰紹如此便可為丞不足復為郎也元祐初用治平故事命大

臣薦士試館職一時名士在館率論資考次遷未有越次進用者皆有滯留之難張文潛晁無咎俱在其間一日二人問朝報見蘇子由自中書舍人除戶部侍郎無咎以為平緩曰子由此除不離核為如果之粘核者文潛曰豈不勝汝杖頭乾乎聞者皆大笑

魏志王肅言秘書丞郎與博士議郎同職近日月宜在三臺上

秘書丞郎宜比尚書丞郎梁張率遷秘書丞武帝曰秘書丞天

一官當與第一人

談藪宋何承天除著作郎時已老而諸佐郎並名家年少荀伯

子朝之常呼為妳母承天曰卿當云鳳凰將九子何言妳母訓

梁朝貴遊子弟多無學術諺云上落即著作起居何如即校書

唐書劉允濟為著作郎脩國史嘗曰史官善惡必書使驕主賊

臣懼此權顧輕哉而班生受金陳壽求米僕乃視如浮雲耳唐

監辨清雅而實非要劇權貴子弟及好利誇侈者率不好此職以監為宰相病坊丞及著作郎為尚書郎病坊秘書郎及著作佐郎為監察御史病坊紹興時士大夫以登臺閣陞禁從為顯官語曰寧登瀛不為卿寧抱槩不為監

劉知幾卒後張說脩史見證魏元忠事謬曰劉五殊不相借著

作郎吳兢起曰此競所為史草俱在不可使明公枉怨死者許敬

宗除著作郎喜謂所親曰仕宦不為著作無以成門戶

晉書張載字孟陽作濛汜賦傅玄見而嗟異以車迎之言談盡

日為之延譽遂知名起家著作佐郎

拾遺記劉向校書天祿閣夜有老人植青藜杖杖端出火以照

向曰我是太乙之精天帝聞卯金之姓有博學者下而觀焉唐楊



炯幼聰敏博學善屬文神童舉拜校書郎  
白居易敏悟絕人進士拔萃補校書郎

唐開元中校書正字俸祿微少孤寒英傑居之騎驢入省而太  
祝奉禮每月請服衣絹布及胙肉俸祿倍多公卿子弟居之時  
語曰正字校書詠詩騎驢奉禮太祝輕裘食肉

白樂天詩並入紅蘭署偏親白玉規李季蘭寄韓校書不知芸  
閣史寂寞意何如

李商隱贈諸校書清切曹司近玉除比來秋興復何如崇文館

裏丹霜後無限紅梨憶校書

韓愈和張徹詩清墨竄舊史磨丹  
注前經義苑手秘寶文堂耳鶯寔

呂祖謙車駕幸秘書表斯文崇替與世降升自我祖宗嚴載籍  
萃藏之地于時典冊踵乘輿游幸之書從容箴誨之求廣大峻  
良之聚炎圖再造華省一新爰親御於右文用仰繩於前式

